

Liahona

A painting of a woman with blonde hair, wearing a light-colored button-down shirt, kneeling in a forest. She is looking upwards with a contemplative expression, her hands clasped together. The background is filled with trees and fallen branches, suggesting a natural, outdoor setting.

PERESITENE EYRING:

Faataitaiga a Iosefa

O SE MAMANU MO
FAAALIGA FAALETAGATA
LAVA IA itulau e 12

Upumoni e Valu
Ua Toefuatai mai e ala i le
Uluai Faaaliga, itulau e 18

Faamanatu le Toefuataiga
i Gaoioiga Nei, itulau e 22

Lesona e Faavavau mai se
Sefulu Tala Pepa, itulau e 28

UA I AI
IINEI LE
EKALESIA

Palamaira **Niu loka,** I



SA



O le tele o mea taua na tutupu i aso popofou o le Toefuataiga na tutupu i totonu ma faataamilo i Palamaira, na amata i le Uluai Faaaliga i se togavao na lata ane i le fale o le aiga o Samita (faataitaiga o loo faaalia i le agavale).

Eka o le fanua togalaau
na faatauina mai e le
aiga o Samita i le 1817



100



100,000

Tagata e asiasi atu i
le Vao Paia i tausaga
taitasi



**3 MAILA
(5 KM)**

Mai le maota o
Samita i le mauga
o Kumora

5,000



6

Tagata o le Ekalesia
sa faatulagaina
aloaia le Ekalesia
i Feiete, Niu loka,
e 30 maila (48 km)
mai Palamaira

1820

O Le Uluai Faaaliga

1823

Ua asiasi mai le agelu o
Moronae ia losefa Samita

1830

Lolomiina le Tusi a Mamona;
faatulagaina aloaia le Ekalesia
i le aso 6 o Aperila

2000

Faapaiaina le Malumalu o Palamaira
Niu loka i le aso 6 o Aperila



Aoao atili e uiga i isi saite o talafaasolopito o le Ekalesia i le history.ChurchofJesusChrist.org.



Auauna atu e ala i le Talafaasolopito o Aiga

8



Upumoni e
Valu mai le
Uluai Faaaliga

18



O Le Uluai Faaaliga: O Se Mamanu
mo Faaaliga Faaletagata Lava ia
Peresitene Henry B. Eyring

12



I Luga o Eleele Paia

O le tausaga lenei tatou te faamanatuina ai le 200 tausaga o le Uluai Faaaliga a losefa Samita. Na amatalia ai le Toefuataiga o le talalelei a lesu Keriso i le Togavao Paia matagofie. O lena mea faavavega na tupu na suia ai le ala o le talafaasolopito, e aofia ai o tatou olaga uma. Ae o le mea e sili ona taua ia te au, ua avea o se mea patino ma suia ai olaga.

O le auauna ai ma lo'u toalua i le Misiona a Niu loka/Penisilevania mo Nofoaga o Talafaasolopito,

sa ou faaaluina ai se taimi tele i le savalia o lena eleele paia. I le faatoaga a le aiga o Samita i Palamaira, Niu loka, sa ou maua ai le avanoa e avatu ai ni maimoaga faataamilo a tagata asiasi mai le salafa o le lalolagi ma mai tulaga eseese uma o le olaga.

E mafai ona tatou aoao uma mai i faataitaiga a le aiga o Samita ma isi uluai tagata o le Ekalesia. O le Uluai Faaaliga a losefa Samita, ua aoaoina ai i tatou i le auala e maua ai faaaliga, e pei ona faamalamalama mai e Peresitene Eyring i le itulau e 12. Ua molimau mai isi pulega aoao e uiga i le moni a'ia'i o lena faaaliga i le itulau e 18.

O la'u tatalo faatauvaa, a o tatou faamanatuina le 200 tausaga talu mai le Uluai Faaaliga, talosia ia tatou manatunatu i faamanuiaga uma ua tatou mauaina o se vaega o lenei Toefuataiga faifai pea o le talalelei a lesu Keriso.

Sister Karen Russon Neff

Anotusi

5 O Le A Le Mea e Tupu pe a Tatou Maliliu? ☺

6 O Atatusi o le Faatuatua

Esther Cox — Luisiana, ISA ☺

Na faalagolago Esther i le alofa o le Tama Faalelagi e tausia ai lona aiga, e aofia ma le atalii sa toetoe lava a mamulu atu ma ia.

8 Mataupu Faavae o le Auauna Atu

Auauna atu e ala i le Talafaasolopito o Aiga

O le fesootai atu i o tatou tuaa e mafai ona tatalaina ai loto ma tu'ua ai uunaiga tumau.

12 O Le Uluai Faaaliga: O Se Mamanu mo Faaaliga Faaletagata Lava la Saunia e Peresitene Henry B. Eyring

O le mulimuli i le faataitaiga a losefa Samita e mafai ona taitaiina atu ai i le faateleina o faaaliga i o tatou olaga.

18 Upumoni e Valu mai le Uluai Faaaliga

Ua molimau mai perofeta i upumoni ua toefuatai mai.

22 Faamanatuga o le Toefuataiga ☺

Manatu mo gaoioiga mo aiga ma isi vaega.

24 Sau, Mulimuli Mai ia te A'u: Tusi a Mamona ☺

Faaoga nei tusiga faalevaiaso e faalautele ai lau suesuega o le Tusi a Mamona i le masina lenei.

28 Pe o E Ola Ea i se Olaga e Sefulu-Tala?

Saunia e Epikopo Gérald Caussé

O le ala lenei e mafai ona e iloa ai le taua e faavavau o mea.

32 O Leo o Le Au Paia o Aso e Gata Ai ☺

O le manu'a na oo ai ina ia fesiligia lona lumanai; maua e se tane ma se ava se tusi faapitoa; sa na o le fia alu o se tamaloa i le fale; o le sailia o le Atua na faasaoina ai se faaipoipoga.

36 O La'u Tusingamanatu o le Konafesi

Konafesi Aoao ia Oketopa 2019 ☺

38 Faamanuiaga o le Ola Tutoatasi

O Le Agaga Na Faia le Eseesega ☺

Na maua e Moli ni elemene taua se lua mo le amataina o lana lava pisinisi o meaai tao.

40 E Faapefea Ona Ou Talanoa i La'u Fanau e uiga i le Soifua Maloloina o le Mafaufau? ☺

O le auala lenei e amata ai le talanoaga.

☺ Faitauga Vave

I Le Faavae
O Faanaunauga o Lo'u Loto,
saunia e Walter Rane



Vaega

Autalavou Matutua

42

Feagai ma **taimi faigata?** E le faigofie le olaga, ae **o loo i ai se fuafuaga a le Tama Faalelagi** mo i tatou taitoatasi. O le masina lenei, ua faasoa atu ai e le autalavou matutua le auala latou te maua ai le **faamoemoe ma le faamalogia** i taimi o faigata.



Autalavou

50

Aoao i mea ua **aoao mai e le Uluai Faaaliga e uiga i le po o ai oe;** e pei o Nifae, ua maua e se alii talavou **le taua o le galue malosi;** Ua faaali mai e losefa Samita **le auala e mafai ona tatou maua ai tali mai le Atua.**



Tamaiti

Uo

Fau se vaa **e pei ona sa faia e Nifae.** Faitau e uiga i tagata o le Ekalesia i Pasila.

Aoao i le auala e taulima ai lagona le fiafia.



E NA'O TUSIGA FAATEKINOLOSI O FEPUARI



O Upumoni e 3 Ua Ou Aoaoina mai Suesuega o Iosefa Samita
Saunia e Jessica Nelson

Ua faasoa mai e se tusitalafaasolopito talavou ni malamalamaga loloto e faatatau i fesili e uiga i le talafaasolopito o le Ekalesia.



Suia o A'u "Aisea" i "E Faapefea"
Saunia e Lydia Tava'esina Pickard

Ua faasoa mai e se faifeatalai talavou i Ausetalia le auala na suia ai e se fesili e tasi le auala e vaai atu ai i tofotofoga i lona olaga.



O le Ala Na Ou Maua ai le Faatua-tua Ina Ua Ou Lagonaina e Pei ua Aveesea Mea Uma

Saunia e Jennifer Enamorado

Na faasoa mai e se tagata o le Eklesia i Honduras le auala na ia fetaomi atu ai i luma ina ua mavae se faalavelave na suia ai [lona] olaga.



O Nisi Taimi e Faia Ai e le Tama Faalelagi ia Tatou Faatalitali mo Faaaliga— ma E Le Afaina Lena
Saunia e Meg Yost

Ua faasoa mai e se talavou matua le agalelei ma le moni o le taimi a le Atua i le tallina mai o a tatou tatalo.

SAILI NISI MEA

I le polokalama o le Potutusi o le Talalelei [Gospel Library] ma le liahona.ChurchofJesusChrist.org, e mafai ona e:

- Maua ai le lomiga aupito lata mai.
- Maua ai na'o anotusi faatekinolosi.
- Saili lomiga ua tuanai.
- Auina mai au tala ma manatu faaalia.
- Totogi pe tuu atu se meaalofa e totogi ai se lomiga.
- Faaleleia au suesuega i meafaigaluega faatekinolosi.
- Faasoaa atu tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

FAAFESOOTAI MAI I MATOU

Imeli mai au fesili ma manatu faaalia i le liahona@ChurchofJesusChrist.org.

Auina mai au tala e faatupulaia ai le faatuatua i le liahona.ChurchofJesusChrist.org pe lafo mai i le: *Liahona*, floor 23

50 E. North Temple Street
Salt Lake City, UT 84150-0023, USA

FEPUARI 2020 VOL. 44 NU. 2
LIAHONA 16717 890

O le mekasi faavaomaloa o Le Ekalesia a Iesu Keriso o le Au Paia o Aso e Gata Ai

O Le Au Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo Toasefululu'a:

M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Becky Craven, Cristina B. Franco, Sharon Eubank, Walter F. González, Larry S. Kacher, Adrián Ochoa, Michael T. Ringwood, Vern P. Stanfill

Pule Faatonusili: Richard I. Heaton

Faatonusili o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Camilla Castrillón

Au Tusitusi ma Faatonutonu:

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdock, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Tadd R. Peterson

Mamanu: Jeanette Andrews, Fay P.

Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinckley, Eric P. Johnsen, Susan Lofgren, Scott M. Mooy, Emily Chieko Remington, Mark W. Robison, K. Nicole Walkenhorst

Faatonu o le Puletaofia o Meatotino: Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett,

José Chavez, Thomas G. Cronin, Bryan W. Gygi, Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Lomutisi: Steven T. Lewis

Faatonusili o Faletusi: Nelson Gonzalez

Mo lo okaina o mekasini, alu i le store.Ids.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) T i le kopu. Totogi mo le Tausaga Atoa \$6.60 (Samoa).

Auina atu tusitusi ma faafesili

i luga o le initoneti i le liahona.Ids.org: pe meli mai i le *Liahona*, flr. 23, 50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

O Le *Liahona* (o lona uiga i le Tusi a Mamona o le "tapasa" po o se "faatonuala") e lomia i le faa-Alepania,

Aminia (Sasae), Pisilama, Palekeria, Kemputopia, Sepuan, Saina, Kalaoitia, Siekisolovakia, Tenimaka, Take, Iglisi, Esitoria, Fiti, Finelani, Farani, Siamani,

Eleni, Hanikeri, Initu, Iselani, Initononesia, Italia, Japani, Kiripati, Korea, Lativia,

Litunia, Malakasa, Masela, Monokolia,

Nouei, Polani, Potukale, Romania,

Rusia, Samoa, Saina (ua faafagofieina),

Silovenia, Sipaniolo, Suetena, Swahili,

Tagaloka, Tahiti, Tai, Toga, Lukureini, Urutu,

ma Viatename. (E eseese lava gagana.)

© 2019 Puletaofia e le Intellectual Reserve, Inc. Ua taofia aia tatuu uma.

Lomia i le lunaite Setete o Amerika.

Faamatralaga o le Puletaofia: Vagana ua

faailoa mai, e mafai e tagata taitoatasi

ona kopu anomea mai i le *Liahona* mo lo latou lava faaogaina patino, e le faia ai ni pisini (e afolia vaalaauga o le Ekalesia). O lenei ai tatuu e mafai ona

faaleogaina i soo se taimi. E le tatuu

ona kopiu ia atu pe afai o loo faaalua le

faasaina i le laina o faaaloaloga faatasi

ai ma le faatufugaga, la auina mai fesili

e uiga i le puletaofia i le Intellectual

Property Office: 50 E. North Temple St.,

FL 13, Salt Lake City, UT 84150, USA;

email: cor-intellectualproperty@

ChurchofJesusChrist.org.

Mo le Aufaitau i le lunaite Setete ma

Kanata: February 2020 Vol. 45 No. 2.

LIAHONA (USPS 311) Samoan (ISSN 1045-0947) is published monthly by

The Church of Jesus Christ of Latter-day

Saints, 50 E. North Temple St., Salt Lake

City, UT 84150. USA subscription price

is \$10.00 per year; Canada, \$12.00 plus

applicable taxes. Periodicals Postage

Paid at Salt Lake City, Utah. Sixty days'

notice required for change of address.

Include address label from a recent issue;

old and new address must be included.

Send USA and Canadian subscriptions

to Salt Lake Distribution Center at

address below. Subscription help line:

1-800-537-5971. Credit card orders

(American Express, Discover, MasterCard,

Visa) may be taken by phone or at

store.ChurchofJesusChrist.org. (Canada)

Post Information: Publication Agreement

#40017431)

POSTMASTER: Send all UAA to CFS

(see DMM 507.1.5.2). NONPOSTAL

AND MILITARY FACILITIES: Send address

changes to Distribution Services, Church

Magazines, P.O. Box 26368, Salt Lake City, UT 84126-0368, USA.

O LE A LE MEA E TUPU PE A TATOU MALILIU?



1. Lalolagi o agaga:

"O agaga o i latou o e amiotonu e talia i se nofoaga o le fiafia, lea ua taua o le parataiso, o se nofoaga e malolo ai, o se nofoaga o le filemu" (Alema 40:12).



2. Toetu:

"E toe tuuina atu le agaga i le tino, ma le tino i le agaga; ioe, e toe tuuina atu ivi ma gaugaivi uma, taitasi i lona lava tino; ioe, e leai lava se lauulu e tasi e le iloa; a e tuuina atu mea uma i lo latou tino e tatau ai ma le atoatoa" (Alema 40:23).



3. Faamasinoga:

"Pe a mavae atu tagata uma mai lenei uluai oti i le ola, ua oo ina avea i latou ma tagata tino ola pea, e ao lava ina latou o atu i luma o le nofofa-faamasino o le Paia e Toataso i Israaelu" (2 Nifae 9:15).



"O le faamoemoega o lenei Faamasinoga Mulimuli o le fuafua lea pe tatou te ausia mea na faamatalaina e Alema o se 'liuga tele o le loto' (tagai i le Alema 5:14, 26), lea **tatou te avea ai ma tagata fou**, e 'lē toe i ai [se] manao e fai mea leaga, ae ia faia mea lelei e lē aunoa' (Mosaea 5:2). O le faamasino o lenei mea o lo tatou Faaola, o lesu Keriso (tagai i le 2 Nifae 9:41). A uma lana faaiuga, o le a tatou tautino atu uma 'ua tonu Ana faamasinoga' (Mosaea 16:1), ona o Lona atoatoa ua tuuina atu ai ia te ia se malamalama atoatoa o a tatou galuega ma manaoga uma."

Peresitene Dallin H. Oaks, Fesoasoani Muamua i le Au Peresitene Sili, "Faamamaina e ala i le Salamo," *Liahona*, Me 2019, 93.



4. Tikeri o mamalu:

"O le a toefuataiina mea uma i o latou tulaga e tatau ai, o mea taitasi uma i lona lava autino natura moni—o le faaletino e faatu i le ola pea; o le le atoatoa i le atoatoa—e faatutu mai i le fiafia e le gata e mautofi i le malo o le Atua, po o le pagatia e le gata e mautofi i le malo o le tiapolo" (Alema 41:4).





Esther Cox

Luisiana, ISA



Sa o se isi lava aso o lologa ina ua uma timuga mamafa lea na taia ai Luisiana i saute. Ae peitai ina ua pa'ū le tama tama a Esther Cox e lua tausaga, o Mataio, i se alavai loloto ma tatafe e latalata ane, sa oo ina avea ma aso sili ona leaga o lona olaga. E oo ane i le taimi na maua ai e Siaosi, le toalua o Esther ia Mataio, ua 15 minute talu ona i ai o ia i totonus o le vai.

LESLIE NILSSON, TAGATA PUEATA

Sa latou ta'uina le tulaga o Mataio o le "toetoe a malemo ona o le le lava o le okesene," o lona uiga o le a faaleagaina le faiai mai le leai o se okesene. O le aso sili lea ona leaga o lo'u olaga, ae na toe aumai o ia e le Tama Faalelagi ia te au. O loo avea pea o ia ma a'u pepe. Ua 20 nei tausaga o o'u tausia o ia. E i ai a matou taimi fiafia ma taimi faanoanoa ae o ia o se faamanuiaga. E maoae tele o ia. Ma ua fesoasoani mai le Tama Faalelagi ia te au i nei mea uma.

E leai se alofa e tutusa ma le alofa mai i se tagata e i ai manaoga faapitoa. Ma te alolofa tele i le tasi ma le isi. E i ai sa ma sootaga faapitoa tele. Ua faamanuia a'u e le Atua. Ua la faamanuiaina moni lava.

SAILI ATILI

Tagai atili e uiga i le faigamalaga o le fa'atuatua a Esther, e aofia ai ata faaopoopo, i luga o le initoneti poo lenei tusiga i luga o le Gospel Library i le [ChurchofJesusChrist.org/go/2206](https://www.churchofjesuschrist.org/go/2206).

Aoao e uiga i punaoa mo aiga o i latou e i ai manaoga faapitoa i le [ChurchofJesusChrist.org/go/2207](https://www.churchofjesuschrist.org/go/2207).

Mataupu Faavae o le Auauna Atu

AUAUNA ATU E ALA I TALAFaaSOLOPITO O AIGA

Ole fesoasoani atu i se tasi i a latou talafaasolopito o aiga o se auala mamana lea e auaua atu ai. A o e faafesootaia isi ma o latou tuaa e ala i tala ma faamatalaga o le aiga, e iu ane i lou faatumuina o avanoa i o latou loto ia e i ai nisi o taimi latou te le'i iloaina o i ai (tagai i le Malaki 4:5-6).

Pe o se tagata ua avea ma tagata o le Ekaesia i le olaga atoa po o se tasi e le'i faalogo lava i le talalelei toefuataiina a Jesu Keriso, o fanau uma a le Atua e fia iloa pe o fea na latou o mai ai.

E masani ona le umi se taimi e tuua ai se uunaiga loloto tumau, e pei ona faaalia i tala nei.





Mauaina o le Aiga i le 30,000 Futu

Talu ai nei lava i se malaga i le pale, sa ou nofo ai i talaane o Sitivi, o lē na faasoa maia ia te au ni vaega o lana tala patino. Sa faauu o ia mai le aoga maualuga, ma ulufale atu i le Ami a le I.S. o se tagata faapitoa i fesootaiga i le 18 o ona tausaga, ma sa lei umi ae amata ona faigaluega i le Fale Paepae, i le tuuina atu o le lagolago faalefesootaiga i le Peresitene o le Iunaite Setete. Mai le 18 o ona tausaga i le 26, sa ia auauna atu i ni Peresitene se toalua o le I.S. Sa matagofie ana tala!

Sa ou faapea atu, “Sitivi, e tatau ona e tusia i lalo nei tala mo au fanau! E manaomia ona latou maua sa’o mai nei tala mai lau vaiga.” Sa ioe i ai o ia.

Ona musuia lea o au e le Agaga e fesili atu ia te ia, po o a ni mea na ia iloa e uiga i ona tuaa. Sa tele mea na iloa e Sitivi e uiga i le itu o lona tina, e aofia ai se tala i se taimi e tasi na faia ai se taumafataga i le afiafi a lona aiga faatasi ma Aperaamo Linikone ao faia ana faatosina i nuu maotua i le taimi o le faigapalota a le I.S i le 1860.

Peitai, sa laitiiti se mea sa ia iloaina e uiga i le itu o lona tama. Sa matuai ona fia iloa atili. Sa ou aumaia i fafo la’u telefoni ma tatala le polokalama o le FamilySearch. “Sitivi, e mafai ona ta suea lou aiga i le taimi lava lenei!”

Sa sosoo loa la’u telefoni i le Wi-Fi a le vaalele. Sa ou faataatiaina la’u telefoni i luga o le laulau i o’u luma ina ia mafai ona ma iloa uma atu. Sa ma sailia le FamilyTree. I ni nai minute, sa ma tau fai pulato’ā atu i le tusi faamaonia o le faaipoipoga a lona tamamatua i le tina o lona tinamatua.

“O la’ua na,” sa ia fai mai ai. “Ua ou manatua nei lona faaiu!”

Sa liligi mai i o ma’ua luga uma le agaga o le fafia. Sa ma galulue i le faiga o talaaga otooto mo ona tuaa sa le tele ni mea na iloa e uiga i ai mo le isi 45 minute na sosoo ai. Sa ia talosaga mai ia ou tautino atu ia te ia, o le a faaauau ona ma sailia faatasi i Colorado. Sa faafesuiai a ma faamatalaga e faafesootai ai a o tulauleele le vaalele.

Sa ma i ai iinei, felelei i le 30,000 futu (9,144 m) i le ea, faatasi ai ma se masini e pei o lo’u lima le laitiiti, ma sailia



se alii ma se tamaitai na faaipoipo i le 100 tausaga ua mavae, o e na leiloloa ia te ia ma lona aiga. E ofoofogia! Ae sa ma mauaina i lau. Sa fesootai aiga. Sa manatuaina tala. Na lagonaina lagona o le loto-fafetai mo tekinolosi ma meafaigaluega. Sa o se matuai vavega lava.

Jonathan Petty, Colorado, ISA

O le Fua mo Auaunaga

Etofu ma'ua ma Asalei, o se uso ou te auauna atu i ai, ma ni tusikuka mai o ma'ua tinamatutua. O lana tusikuka e mai le tina o lona tinamatua, ae o au o se tusi na ou tuufaatasia ina ua ou mauaina le pusa fua o kuka a lo'u Tinamatua Greenwood ina ua maliu o ia.

Sa ma tau fai filifilia ma Asalei se fua mai a ma'ua tusikuka, ma sa ma faatasitasi ina ua manava galuega i se tasi o po e faataitai ona fai. Sa ia filifilia se fua o se poloka keke suamalie, o lea na ma faia ai muamua ma tuu i le ogaumu. Sa ou filifilia le [pink chip dip] "loi piniki"—o se mea masani i pati uma a le aiga o Greenwood. Sa fesoasoani Alesi le tama teine a Asalei ia i ma'ua i le tofoga o meaai. Ma, talu ai sa lei manao Asalei e ai uma e lana fanau ia poloka keke, o lea na ia tipitipia ai ma kiliva atu i uso o loo ia auauna i ai.

O le mea e sili ona ou fafia ai i le po o fua o a ma'ua kuka, o le, a o ma kukaina ma taoina, ma te talanoa ai i autu uma lava o auaunaga masani—o ona tauiviga ma o'u tauiviga. Ae sa ma talanoa foi e uiga i o ma'ua tinamatutua ma tina, lea sa pele ia i ma'ua uma.

Jenifer Greenwood, Iuta, ISA



Siosiomia e Aiga Fou

Na silia ma le 20 tausaga talu ona le toe toaga Maria [i le lotu]. I ni nai masina ua mavae, sa ma faaaluina ai ni itula se lua i lo matou fale, i le sailiga o ona aiga e ala i faamaumauga o tusigagoa ma isi. I se tasi taimi na tagi ai o ia ma fai mai, "Ua tele atu mea ua ou aoaoina e uiga i lo'u aiga i totonus o le lua itula nai lo o mea na ou iloaina i lou olaga atoa!"

I le faaiuga o lo matou taimi faatasi ma ia, sa ma faailoa atu ai ia te ia le vaega o Tauaiga o loo Siomia A'u i le polokalama o le FamilyTree. Sa iloa ane ai, o i ma'ua ma lo'u toalua o ni tauaiga mamao o Maria. Sa toe tagi foi, ma fai mai, sa faapea lava o ia, sa na'o ia. Na te lei iloaina lava na i ai ni ona aiga i le eria. I ni nai vaiaso mulimuli ane, sa feiloai ai Maria ma lo matou epikopo. Ua galue nei o ia ia agavaa mo le malumalu, ma ua feiloai atu o ia i le toatele o ona tausoga "fou" i totonus o la matou uarota!

Carol A. Bowes, Karolina i Matu, ISA



VALAAULIA E FAATINO

Mafaufau ia i latou e te auauna atu i ai. E mafai faapefea ona e faaaogaina talafaasolopito o aiga e faamanuia ai o latou olaga?

Auala Fitoitonu e Fesoasoani Atu Ai

E mafai e talafaasolopito o aiga ona tatala faitotoa mo avanoa e auauna atu ai pe a foliga mai e leai se isi mea o le a mafaia. O ni nai manatu nei tou te ono faataitaia.

- Fesoasoani ia i latou e tuu i luga ia ata o le aiga i le FamilySearch.
- Fesoasoani ia i latou e pu'e ma tuu i luga ia faamatalaga tapue o tala o talafaasolopito o aiga, aemaise lava i tala e tutusa ma ata.
- Fatu se siata ili po o isi pepa o faamatalaga e lolomiina i le talafaasolopito o aiga e mafai ona e tuuina atu o se meaalofa.
- Aoao atu ni auala e puepuemaua ai a latou lava talafaasolopito e ala i le tausia o se api talaaga i se auala latou te fafia ai. Apitalaaga i le leo? Apitalaaga i ata? Lisi o vitio? E tele ni filifiliga mo i latou e le mananao i mamanu masani o apitalaaga.
- O atu faatasi i le malumalu e fai sauniga mo tuaa. Pe ofo atu e fai sauniga mo igoa o o latou aiga pe afai e tele atu a latou igoa nai lo o mea e mafai ona taulimaina.
- Faatasiasi e faasoa atu tu ma aga masani faaleaiga.
- Ia faia faatasi se vasega o talafaasolopito o aiga. ■



FAASOA OU AAFIAGA

Auina mai ia i matou ou aafiaga a o e auauna atu i isi pe na e mauaina ni auaunaga. Alu i le liahona.ChurchofJesusChrist.org ma kiliki le "Submit an Article po o Feedback."





**Saunia e
Peresitene
Henry B. Eyring**
Fesoasoani Lua i le
Au Peresitene Sili

O Le Uluai Faaaliga

O se Mamanu mo Faaaliga

Faaletagata Lava Ia

Sa aoao mai e le perofeta o Iosefa Samita mai i lona aafiaga i le Vao Paia, le auala e mafai ai ona tatou maua faaaliga patino o se vaega o o tatou olaga i aso taitasi.

Ole atoaga o le 200 tausaga o le mea ua tatou ta'ua o le “Uluai Faaaliga a Iosefa Samita” o se avanoa sili lea mo i tatou e faateleina ai lo tatou faatuatua i lana misiona faaperofeta ma ia aoao mai i lana faataitaiga i le auala e faateleina ai lo tatou gafatia e maua ai faaaliga patino mai le Atua.

Ina ua savali ese mai Iosefa Samita e 14 tausaga le matua mai le togalaau i Palamaira, Niu Ioka, ISA, sa ia iloaina mo ia lava, e fesootai mai le Atua i Ana fanau i le olaga nei. Sa talitonu o ia i upu sa ia fatauina i lana Tusi Paia:

“A e afai ua leai se poto i so outou, ina ole atu ia i le Atua, o le foai tele mai i tagata uma ma le le toe tautaua; ona foaiina mai ai lea ia te ia.

“A ia ole atu ma le faatuatua, ‘aua lava ne’i masalosalo. Aua o lē masalosalo e tusa ia ma le peau o le sami ua sousou i le matagi ma felafoaiina ai” (Iakopo 1:5–6).

Sa galue ma le le fefe Iosefa Samita i lena folafolaga, e pei foi ona mafai e i tatou uma. O le saunoaga lenei a Peresitene Russell M. Nelson e uiga i lo tatou avanoa: “Afai o le aafiaga paia o Iosefa Samita i le Vao Paia ua aoao mai ai se mea ia i tatou, o le, o loo matala le lagi ma e fetalai mai le Atua i Ana fanau.”¹



E tausia e le Atua Lana folafolaga e fesootai ma Lana fanau i le olaga nei pe afai latou te ole atu ma agavaa e maua lena fesootaiga. Sa aoao mai e le Perofeta o Iosefa Samita mai i lona aafiaga i le Uluai Faaaliga, ma mai le soloaiga tele o faaaliga na oo mai ia te ia e ala i le Toefuataiga, le auala e mafai ai ona tatou maua faaaliga patino o se vaega o o tatou olaga i aso taitasi.

Sa aoao mai Iosefa Samita, "A ua tatou saunia e o mai ia te Ia, ua saunia o Ia e afio mai ia i tatou."²

O Loo Matala le Lagi

O la tatou lui o le galue lea ina ia mafai ona tatou maua savali o le upumoni ua sauni le Tama Faalelagi e auina mai ia i tatou o ni faaaliga ma ia iloa mea ua uma ona Ia auina mai. O le aafiaga a Iosefa Samita ua tuuina mai ai se faataitaiga o lena mea. Atonu sa ia fatauina faafia le tusi a Iakopo ma isi tusi faaletusi paia, e pei ona tatou faia. Ae i se tasi o aso, e ala i le uunaiga a le Agaga Paia, sa ia iloaina ai le savali lea na taitai atu ai o ia i le Vao Paia. O lana tala lenei i le mauaina o se savali mai le Atua na leva ona auina mai:

"A o o'u punouai i lalo o faigata tetele na mafua mai finaugia a nei vaega o tapuaiga, sa ou fatauina i se tasi aso le Tusi a Iakopo, mataupu muamua ma le fuaiupu lima, e fatau faapea: *Ae afai ua leai se poto i so outou, ina ole atu ia i le Atua, o le foai tele mai i tagata uma, ma le le toe ta'uta'ua; ona foaiina mai ai lea ia te ia.*

"E leai lava se mau o tusitusiga paia na oo i le tagata ma le mana tele nai lo o lenei mau i lo'u loto i lea taimi. Sa foliga ua ulu mai ma se mana tele i lagona uma o lo'u loto. Sa ou mafaufau ma saga mafaufau pea i ai, i lo'u iloa afai e i ai se tagata ua ia manaomia le poto mai le Atua, o a'u lava, ona sa ou le iloa le mea e tatau ona fai, ma e vagana ai e mafai ona ou maua o se poto atili atu nai lo lena sa i ai ia te a'u i le taimi lena, o le a ou le iloaina lava aua sa matua eseese lava malamalama o faiaoga o mea tauilotu o ituiga eseese i mau e tasi sa lepetia ai le faamoemoe atoa o le liliu atu i le Tusi Paia e tali ai le fesili" (Iosefa Samita—Talafaasolopito 1:11–12).

O le aafiaga o Iosefa Samita o se mamanu e mafai ona tatou mulimuli ai e iloa ai savali patino mai le Atua. Aisea na oo mai ai se fuitau o tusitusiga paia ma le mana tele ma ulu atu ma le malosi tele i totonu o lagona uma o lona loto? Ma aisea na tomanatu i ai pea lava pea o ia?

Atonu e tele mafuaaga e mafai ai ona fetalai malosi mai le Atua i le tau-lealea o Iosefa, ae o se mafuaaga autu lava o le saunia lea o lona loto.

O se Loto Momomo O se Loto Lea Ua Saunia

E le itiiti ifo ma le lua ni mafuaaga sa i ai ia Iosefa se loto momomo. Sa manao o ia i le faamagaloga o ana agasala ma vaivaiga, lea na ia iloa e na

o Iesu Keriso lava e oo mai ai. Ma sa naunau o ia ia iloa po o fea o lotu fefinauai sa sa'o, ma po o le fea e tatau ona ia auai.

Sa saunia Iosefa ma le faatuatua e faapea, o Iesu o le Keriso, o lona Faaola. Faatasi ai ma lena faatuatua ma se loto maualalo, sa saunia ai o ia. Sa ia fai mai e uiga i ona lagona i lena taimi, "Sa ou tagi atu i le Alii mo le alofa mutimutivale, aua sa leai se tasi e mafai ona ou alu i ai e maua mai ai le alofa mutimutivale."³

Sa saunia o ia, e pei ona mafai ona tatou i ai, ina ia maua le folafolaga a Iakopo. O le soloaiga o faaaliga lea na oo mai, na mafai ai e le Alii ona suia le olaga o Iosefa ma faamanuia ai olaga o fanau uma a le Tama Faalelagi, ma o latou aiga, o e ua o mai pe o le a o mai i le olaga faitino.

O se faamanuiga maoae mo oe ma au o le mafai lea ona tatou aoao mai faataitaiga a Iosefa i le ala e maua ai le malamalama ma le poto mai le Atua. E ala i le mulimuli i le faataitaiga a Iosefa, e mafai ai ona tatou aumaia le olioli tumau ia i latou tatou te alolofa i ai ma auauna atu ai i le Alii. Ona faasolo atu lea e la latou faataitaiga le faamanuiga o faaaliga patino i se filifili e le mafai ona tatou vaaia lona faaiuga ae e mafai ona silafia e le Tama Faalelagi.

Saunia o i Tatou Lava mo Faaaliga

O le mamanu a Iosefa o le saunia e maua faaaliga patino sa faatauvaa ma e faigofie ona faataitaia, ae e le faapea o se vaega e tasi o laasaga, o le tasi e tau atu ai i le isi. O oe o se atalii/afafine tulaga ese o le Atua, o lea e ese ai ou gafatia mo le aoaoina ma ese auala e aoao ai le upumoni. Ae mai faataitaiga a Iosefa, e mafai ona e iloa ai le auala e taua ai ni nai faaaliga o le malamalama ma le upumoni e saunia ai mo le mauaina o faaaliga faifai pea faaletagata lava ia. Na silafia e le Alii lena mea moni ina ua Ia tuuina mai tatalo o le faamanatuga ia i tatou



taitoatasi o se mamanu e saunia ai e maua faaaliga patino e ala mai i le Agaga Paia.

Atonu e ese mo oe, ae pe a ou faalogo i upu “Le Atua e, le Tama faava-vau” (Mataupu Faavae ma feagaiga 20:77, 79), e oo mai ia te au se lagona mafanafana o le alofa. O upu o tatalo o le faamanatuga e aumaia ai i lo’u mafaufau mea na ou lagonaina i le aluese mai i se faatanoa vai papatisoga i Philadelphia, Penisilevania, ISA, ina ua valu o’u tausaga. O le taimi lena sa ou iloa ai o Iesu o lo’u Faaola, ma sa ou lagonaina le olioli i le mama. O nisi taimi ou te manatua ai se ata vali o Ia i luga o le satauro ma le afio mai i fafo mai Lona tuugamau. O le tele lava o mea e oo mai ia te au o se lagona o le lotofaafetai ma le alofa mo Ia.

Pe a ou faalogo i upu e faapea, e tatau ona molimau atu lo’u naunau e “manatua pea o ia ma tausi ana poloaiga,” ou te lagona se manao faa-ualalo mo le salamo ma le faamagaloga. Ma, a ou faalogo i le folafolaga e mafai ona ou maua Lona Agaga e faatasi ma au (tagai Mataupu Faavae ma Feagaiga 20:77), ou te lagona e moni lena mea. Ma o taimi uma lava, ou te lagonaina le malamalama, filemu, ma le lototele lea e mafai ona ou faalogo ai i savali faaalia mai le Atua.

Sa le’i i ai ia Iosefa Samita e sefulufa tausaga le matua ia tatalo o le faamanatuga i le taimi na tapena ai o ia mo faaaliga patino na oo mai i le Vao Paia ma i le aluga o taimi na totoe o lona olaga. Ae sa mulimuli o ia i se mamanu e mafai e i tatou uma ona mulimuli ai ia agavaa ai mo le faaauauina o le faaaliga faaletagata lava ia:

- Sa ia duesueina upu ua uma ona faaalia mai e le Atua i totolu o tusitusiga paia.
- Sa mafaufau loloto o ia i mea sa ia faitauina ma lagonaina.
- Sa ia toe foi soo ma le faaeteete i tusitusiga paia.
- Mai le faatuatua na ia maua e ala i le sue-sue ma le mafaufau loloto, na ia filifili ai e tatalo.
- Ina ua oo mai le faaaliga, na ia maua le upumoni ma le malamalama, ola i le upumoni na tuuina mai ia te ia, ma sailia nisi upumoni.
- Sa toe foi atu o ia i tusitusiga paia ma maua ai nisi faaaliga mai le Atua, lea na ia tusia i lalo.
- Sa faaauau pea ona ia tatalo ma usitai, lea na faapea ona maua ai le malamalama atili ma faatonuga.

Na faamatalaina e Peresitene Nelson le avanoa matagofie e maua mai pe a tatou mulimuli i le faataitaiga a Iosefa Samita: “I lea lava ala, o le



a se mea o le a tatala mai e lau sailiga mo oe? O le a le poto e le o ia te oe? O le a se mea e te lagonaina ua manaomia vave ona iloa pe malamalama i ai? Mulimuli i le faataitaiga a le Perofeta o Iosefa. Saili se nofoaga filemu e mafai ona e alu soo i ai. Ia faamaualaloina oe lava ia i luma o le Atua. Liligi atu lou loto i lou Tama Faalelagi. Liliu atu ia te Ia mo ni tali ma mo le faamafanafanaga.”⁴

E Tetee Satani i Faaaliga

A o e mulimuli i le faataitaiga a Iosefa Samita, o le a e suesue ma le totoa i lana faataitaiga o le lototele ma le finafinai. Atonu e te le o feagai ma le tetee na feagai ma ia i le Vao Paia a o e tatalo, ae o le a e atamai ia manatua ina. Sa faamatalaina e Iosefa lena tetee i le ala lenei:

“Ina ua mavae ona ou taunu i le mea na ou muai filifilia ou te alu atu i ai, ina ua mavae ona ou vaavaai solo faataamilo ane ia te a’u, ma ina ua ou iloa ua nao a’u lava, sa ou tootuli i lalo ma amata ona tuu atu manaoga o lo’u loto i le Atua. Sa lei umi lava ona ou faia faapea, ae vave loa ona taofia o au e se mana sa lofituina atoa ai au, ma sa i ai sona mana uiga ese i luga o a’u sa taofia ai lou laulaufaiva ina ia lē mafai ona ou tautala. Sa siomia au i se pouliuli mafia, ma sa foliga mai ia te au i se taimi e peiseai ua malaia au i se faafanoga faafusei.

“Peitai, i le faaaogaina o lo’u malosi atoa e valaau atu ai i le Atua e laveai a’u mai le mana o lenei fili sa taofia a’u, ma i le taimi tonu lava na ou sauni ai e goto atu i se tulaga e aunoa ma se faamoemoe ma tuu atu a’u lava i le faafanoga—e lē i se malaia fai fua faalemafaufau, ae i le mana o se tagata moni lava mai le lalolagi lē vaaia, o lē sa i ai se mana ofoofogia tele faapea

ou te lei faalogoina muamua lava i se tagata—i lea lava taimi o le atuatuvale tele, na ou vaaia ai se malamalama faaniutu i luga a’e tonu lava o lo’u ulu, ua sili atu le pupula i le la, ua alu ifo malie lava scia oo mai i o’u luga” (Iosefa Samita—Talafaasolopito 1:15–16).

O lena tetee matautia, lea na faaaauau i le soifuaga atoa o Iosefa, na oo mai ona sa manao Lusifelo e taofi le faaaliga lea o le a taitai atu ai i le Toefuataiga o le talalelei a Iesu Keriso. O au tatalo mo faaaliga mai le Atua o le a fetaia’i ma le tetee itiiti ane, ae e tatau ona e mulimuli i le faataitaiga a Iosefa o le lototele ma le finafinai.

Atonu o le a faaaogaina e Satani ni auala maaleale e tetee atu ai i au taumafaiga ia maua ma faatumauina faaaliga faaletagata lava ia. O se tasi o auala o lona faamoemoe e auina mai ni pepelo ia te oe, o lana auala o faaaliga sese. O le a taumafai o ia e aapa atu ia te oe ma ni savali ua faamoemoeina e te talitonu ai e leai se Atua, leai se Iesu Keriso toetu, leai ni perofeta soifua po o se faaaliga, e faapea sa taitaiseseina Iosefa, ma o ou lagona ma musumusuga mai le Agaga Paia o mea taufaasese “o se mafaufauga faavalea” (Alema 30:16).

O le a ia tauai atu na pepelo ia te oe, e pei ona ia osofaia ai Iosefa Samita, i le taimi tonu lava o le a e tatalo ai faapea foi pe a uma ona e maua le faa-aliga. Ua ou maua ni auala se lua e sola ese ai mai na osofaiga.


Muamua, aua lava nei faatuai se uunaiga e tatalo. Aua le tuua ni avanoa e tutupu ae ai masalosaloga. Na saunoa Peresitene Polika Iaga (1801–77) e faapea, o le tagata e faatalitali ia lagona le fia tatalo atonu o le a le tatalo o ia.⁵

Lona lua, ia vave tusi i lalo savali e te maua mai le Atua. Ua ou iloa o le uunaiga faaleagaga lea sa manino mai i se minute e mafai ona nenefu pe aluese atu i ni nai minute mulimuli ane. E oo lava i le tuneva o le po, ua ou aoao ai e nofo i luga ma tusi i lalo uunaiga. A le o lea e ono leiloloa i latou.

I lenei mea, ua tuuina mai ai e Iosefa se isi lesona mo i tatou. Sa ia tusia i lalo i ni nai taimi le aafiaga o lana Uluai Faaaliga, ma sa ia faamatalaina atu i ni nai tagata i le aluga o tausaga. E faapei foi o isi perofeta, sa aoao foi e le Perofeta o Iosefa le taua, ma le faigata, o le mauaina o upumoni faaalia i upu.

Ua Faamanuiaina e Faaaliga a Tatou Fanau

E pei o Iosefa Samita, e mafai ona tatou faamanuiaina a tatou fanau ma fanau a a tatou fanau i upu o faaaliga tatou te maua mai le Atua. Talu ai o i tatou o tagata taitoatasi o loo i ai ni manaoga tulaga ese, atonu e na o nisi o faaaliga tatou te maua mo i tatou lava o le a faatatau ia i latou o e ua nafa ma i tatou i le Atua. Ae o le faamaoniga tusitusia e faapea, ua fetalai mai le



Atua ia i tatou e mafai foi ona avea ma faamanuiaiga e tasi ia i latou, lea na tuu mai e le Perofeta o Iosefa ia i tatou.

O le Uluai Faaaliga ua faaali mai ai ia i tatou o loo matale le lagi. E faafogoga le Atua i a tatou tatalo. E faaali mai o Ia lava ma Lona Alo ia i tatou. E fetalai mai le Agaga Paia i loto o i latou o e ua saunia e faalogo ma lagonaina le leo itiiti, ma le filemu. E mafai ona tatou tuufaasolo atu na lesona ma lena savali ia i latou tatou te alolofa i ai ma e o le a mulimuli mai ia i tatou.

Ia faafetaia lo tatou Tama oi le Lagi agalelei, o le e alofa ia i tatou, faafogogaina a tatou tatalo, ma fetalai mai e uiga i le Faaola i o tatou aso, ‘*O Lo’u Atalii Pele Lenei. Faalogo ia Tē Ia!*’ (Iosefa Samita—Talafaasolopito 1:17). Ia faafetaia le Alii o Iesu Keriso, o le na toefuataiina mai Lana Ekalesia e ala mai i le Perofeta o Iosefa Samita. Ma e faafetaia le Agaga Paia, o le ua naunau e avea ma a tatou soa tumau.

Ou te molimau atu o le tali o le “Ioe” i le tatalo a le tamaitiiti:

*Tama Faalelagi, pe o e i ai moni ea iina?
Pe o lagona mai tatalo uma?*⁶

Ou te tatalo o le a tatou faia, e pei ona sa faia e le Perofeta o Iosefa Samita, e faapena foi i lo tatou perofeta soifua i aso nei, ia talia le valaulia mai lo tatou Tama Faalelagi alofa, mai lo tatou Faaola, ma mai le Agaga Paia ina ia maua le malamalama ma le upumoni o faaaliga patino i aso uma o o tatou olaga. ■

FAAMATALAGA

- Russell M. Nelson, “Faaaliga mo le Ekalesia, Faaaliga mo o Tatou Olaga,” *Liahona*, Me 2018, 95.
- Aoaoga a Peresitene o le Ekalesia: Iosefa Samita* (2007), 41.
- Iosefa Samita, i le “O Tala o le Uluai Faaaliga,” 1832 Account, Gospel Topics Essays, ChurchofJesusChrist.org/topics/essays; ua faaonaponei faailoga.
- Russell M. Nelson, “Faaaliga mo le Ekalesia, Faaaliga mo o Tatou Olaga,” 95
- (Tagai i le *Aoaoga a Peresitene o le Ekalesia: Polika Iaga* (1997), 45.)
- “O Le Tatalo a le Tamaitiiti,” *Tusipese a Tamaiti*, 6–7.





O Upumoni e Valu

mai le Uluai Faaaliga

I se taeao manino o le tautotogo i le 200 tausaga ua mavae, i le setete maotua o Niu Ioka i se togalaau filemu, na faaali mai ai le Atua le Tama ma Lona Alo o Iesu Keriso i le taulealea o Iosefa Samita. O lenei mea faavavega na tupu ua faamutaina ai seneturi o le le mautonu ma le taumatemate e uiga i le natura o le Atua, o le manaomia o faaaliga faifaipea, ma isi upumoni e faavavau ua leva ona galoo pe puaoa e ala i le pogisa faaleagaga.

O Peresitene James E. Faust (1920–2007), Fesoasoani Lua i le Au Peresitene Sili, o le na faatatau i le Uluai Faaaliga e faapea “atonu o le mea aupito sili e tasi na tupu i le lalolagi talu mai le Toetu,” na faataatitia mai ai ni upumoni toefuataiina se valu i le lalolagi e ala i lenei mea ofoofogia na tupu.¹ A o tatou faamanatuna le 200 tausaga o le Uluai Faaaliga, mafaufau i upumoni nei ma le tele o molimau a perofeta o aso nei o e ua tuuina mai le molimau e le gata i le moni o le Uluai Faaaliga ae faapea foi i upumoni ua faaalia mai ai.



1. O le Atua lo tatou Tama o se tagata patino, ma o alii ma tamaitai sa faia i Lona faatusa.

Sa aoaoina e Iosefa Samita i na minute [o le Uluai Faaaliga], po o le a lava le umi po o le puupuu, e tele atu mea e uiga i le natura o le Atua nai lo o mea faalelagi uma o taimi uma ua aoaoina.” —**Peresitene Gordon B. Hinckley (1910–2008)**²

Oloo i ai ni fofoga [taliga] o le Atua lo tatou Tama e faafogaga ai i a tatou talosaga. E i ai ni Ona fofoga [mata] e silasila mai ai i a tatou amioga. E i ai Sona fofoga [gutu] e fetalai mai ai ia i tatou. E i ai Sona fatu e lagona ai le agalelei ma le alofa. E moni o Ia. O loo soifua o Ia. O i tatou o ana fanau na faia i lona faatusa.” —**Peresitene Thomas S. Monson (1927–2018)**³

2. O Iesu o se peresona, e mavaevae ma e ese mai le Tama.

Ilana Uluui Faaaliga, na vaai ai Iosefa Samita i ni peresona eseese se toalua, ni tagata se toalua, ua faapea ona faamanino mai ai o talitonuga na taatele i na vaitaimi e faatatau i le Atua ma le Aigaatua e le moni.

“E ese mai i le talitonuga e faapea, o le Atua o se mealilo e le malamalamama ma e le mafai ona iloa ia le upumoni e faapea, o le natura o le Atua ma lo tatou sootaga ma Ia e mafai ona iloa ma o le ki lea i isi mea uma i la tatou aoaoga faavaae.”

—**Peresitene Dallin H. Oaks, First Counselor in the First Presidency**⁴


3. Ua tautino mai e le Tama o Iesu Keriso o Lona Alo.

Matou te molimau atu, i le avea ai ma Ana Apostolo ua faauuina i le ala e tatau ai—o Iesu o le Keriso Soifua, o le Alo tino ola pea o le Atua. O Ia o le Tupu silisili o Emanuelu, o loo tu i le taimi nei i le itu taumatau o Lona Tama. O Ia o le malamalamama, o le ola, ma le faamoemoe o le lalolagi. O Lana ala o le ala lea e tau atu i le fiafia i lenei

olaga ma le ola e faavavau i le lalolagi a sau.” —“O Le Keriso Soifua: O Le Molimau a le Au Aposetolo”⁵

4. O Iesu o le taumolimoli o le faaaliga e pei ona aoaoina mai i le Tusi Paia.


Ofaaaliga uma talu mai le pau ua oo mai e ala ia Iesu Keriso, o le Ieova o le Feagaiga Tuai. . . . E le'i fesoottai tuusa'o ma patino mai lava le Tama [Elohim] i le tagata talu mai le pau, ma e le'i faaali mai lava o ia vagana ai le faalauiloa mai ma molimau mai e uiga i le Alo.” —**Peresitene Iosefa Filitia Samita (1876–1972)**⁶



5. Sa faataunuina le folafolaga a Iakopo ia ole atu i le Atua mo le poto.

Ua faatulagaina e Iosefa Samita se mamanu mo i tatou e mulimuli ai i le foaina o a tatou fesili. O le lilifa atu i le folafolaga a Iakopo e faapea, pe afai ua leai se poto ia i tatou ia tatou ole atu i le Atua, sa avatu sa'o ai e le taulealea o Iosefa lana fesili i le Tama Faalelagi. . . .

“I se tulaga faapena, o le a se mea e tatala mai e lau sailiga mo oe? O le a le poto e le o ia te oe? O le a se mea e te lagonaina ua manaomia vave ona iloa pe malamalamama i ai? Mulimuli i le faataitaiga a le Perofeta o Iosefa. Saili se nofoaga filemu e mafai ona e alu soo i ai. Ia faamaualaloina oe lava ia i luma o le Atua. Liligi atu lou loto i lou Tama



Faalelagi. Liliu atu ia te Ia mo ni tali ma mo le faamafanafanaga.” —Peresitene Russell M. Nelson⁷

6. Na iloa e Iosefa le moni a'ia'i o se tagata moni mai se lalolagi e le vaai, o le na taumafai e faaumatia o ia.

“O Satani, po o Lusifelo, po o le tama o pepelo—pule a oe i se igoa e valaau ai—e moni, o foliga moni lava o mea leaga. O ona faamoemoega e faataumaoi i mea uma lava, ma e gatete o ia i le faaali mai o le malamalama togiola, i le mafaufau atu i le upumoni. . . . E faavavau lava lona tetee i le alofa o le Atua, le Togiola a Iesu Keriso, ma le galuega o le filemu ma le faaolataga. O le a tau o ia e faasaga i nei mea i soo se taimi ma soo se mea e mafai ona ia faia.” —Elder Jeffrey R. Holland o le Korama a Apostolo e Toasefululu⁸

7. Sa i ai se liliuese mai le Ekalesia na faavaeina e lesu Keriso—sa faatonuina Iosefa e aua nei auai i soo se lotu, aua sa la aoao atu aoaoga faavae a tagata.


“O le Liliuese, po o le pauu ese mai le uluai Ekalesia na faatulagaina e le Alii, . . . sa valoia e i latou sa fesoasoani e faatu le Ekalesia i le taimi muamua. Sa tusi atu Paulo i le au Kerisiano i Tesalonia o e sa faatalitali ma le naunautai i le Afio Mai Faalua o le Faaola e faapea, ‘e le oo

mai lena aso, vagana ua oo mai muamua le liliu ese’ (2 Tesa. 2:3).”

—Peresitene M. Russell Ballard, Sui Peresitene o le Korama a o Apostolo e Toasefululu⁹

8. Na avea Iosefa Samita o se molimau mo le Atua ma Lona Alo, o lesu Keriso.

“O le molimau a Iosefa Samita e uiga ia Iesu Keriso o loo soifua o Ia, ‘aua sa [ia] vaai ia te ia, i le lima taumatau lava o le Atua; ma sa [ia] faalogo i le leo o molimau mai o ia o le Toatasina Fanaua e le Tama” (MF&F 76:23; tagai foi i le fuaipu e 22). Ou te talosaga atu i tagata uma e lagona ma faitauina lenei savali, ia saili e ala i le tatalo ma le suesue i tusi-tusiga paia lena lava molimau o le uiga paia, le Togiola, ma le Toetu o Iesu Keriso.” —Elder D. Todd Christofferson¹⁰ ■



FAAMATALAGA

1. James E. Faust, “The Magnificent Vision Near Palmyra,” *Ensign*, Me 1984, 67.
2. Gordon B. Hinckley, “Inspirational Thoughts,” *Ensign*, Aug. 1997, 3.
3. Thomas S. Monson, “I Know That My Redeemer Lives,” i le Ripoti o le Konafesi, Ape. 1966, 63.
4. Dallin H. Oaks, “O Le Aiga Atua ma le Ata o le Faaolataga,” *Liahona*, Me 2017, 100.
5. “O Le Keriso Soifua: O Le Molimau a le Au Apostolo,” *Liahona*, Me 2017, totonu o le faavaa pito i luma.
6. Joseph Fielding Smith, *Doctrines of Salvation*, comp. Bruce R. McConkie (1955), 1:27.
7. Russell M. Nelson, “Faaaliga mo le Ekalesia, Faaaliga mo o Tatou Olaga,” *Ensign*, po o le *Liahona*, Me 2018, 95.
8. Jeffrey R. Holland, “Ua Tauto i Tatou Uma,” *Liahona*, Nov. 2011, 44.
9. M. Russell Ballard, “How Is It with Us?” *Liahona*, Iulai 2000, 39.
10. D. Todd Christofferson, “O Le Mataupu Faavae a Keriso,” *Liahona*, Me 2012, 89.

TALANOAGA FAALEAIGA

- Aisea e taua ai mo i tatou taitoatasi ona i ai sa tatou lava molimau e uiga i le Uluai Faaaliga?
- Faasoaa atu i se taimi na e lagona ai le taliina mai o au tatalo po o lou lagonaina foi o le mautinoa sa faafofoga mai le Atua.
- Faasoaa atu lau molimau e uiga ia Iosefa Samita ma valaaulia isi tagata o le aiga e faia lea lava mea e tasi.



Faamanatuga o le **TOEFUATAIGA**

O ni manatu mo gaoioiga faigofie mo aiga ma isi vaega

Ole 200 tausaga ua mavae, na alu atu ai se tamaitiiti e 14 tausaga i le togavao ma ni fesili. O tali na ia maua na tatalaina ai faitotoa mo le Toefuataiga o le Ekalesia a le Alii. Mo le faamanatuina, o manatu nei e mafai ona fetuunai mo le faaaogaina i aiga, vaega a le autalavou, uarota, po o paranesi.

Faaaliga Faamusika e Faamatala

Faailoa ni pese ma ni mau e mafai ona e faatulagaina e faamatala ai le tala o le Toefuataiga. O nei mea e mafai ona aumai mai le Iosefa Samita—Talafaasolopito, isi tusitusiga paia, ma viiga e uiga i le Toefuataiga mai le tusi o viiga ma le *Tusipese a Tamaiti*. Valaaulia tagata e fesoasoani e faitau vaega ma faatino le musika. Afai e mafai, mafaufau e faaaoga se tamaitiiti e 14 tausaga le matua e faitaua upu a Iosefa Samita.

Faaaliga o Faatufugaga

Valaaulia tagata e fatu ni galuega o faatufugaga e uiga i le Toefuataiga. O nei mea e mafai ona aofia ai ataval, ata tusi, faatagata, atapue, ma isi mea faapena. Fai atu ia i latou e filifili se mea na tupu po o se autu mai le Toefuataiga mo a latou faatufugaga. Faatulaga se

taimi ma se nofoaga e faaali faatasi uma ai ma valaaulia isi e o mai ma vaai i ai.

Gaoioiga i le Vao Paia

Saili se nofoaga filemu e mamao mai i mea faalavefau, e pei ona sa faia e Iosefa. Mafaufau i se nofoaga i le natura pe afai e i ai se nofoaga e lata atu i lou fale. Faitau le tala a Iosefa Samita i lona alu atu i le Vao Paia e tatalo ai. Valaaulia tagata auai e faasoa mai pe na faapefea ona latou maua se molimau i le Toefuataiga o le talalelei po o aafiaga i se taimi na tali mai ai e le Tama Faalelagi a latou tatalo.

Faeasaite Faapitoa

Fai atu i se tasi e saunia se aoaoga e uiga i le Toefuataiga. O le failauga e mafai ona avea o se taitai o le Ekalesia, o se faiaoga talenia, po o se tasi e silafia lelei le talafaasolopito o le Ekalesia. Valaaulia ni uo po o ni tuaoi e aoao e uiga i le Toefuataiga ma le uiga ia i tatou i aso nei.

Mana o Tusitusiga Paia

Faapotopoto faatasi mai tagata uma ma a latou lava kopi o tusitusiga paia. Sa suesue Iosefa Samita i tusitusiga



paia, ma le talitonu o le a ia maua ai tali. Faitau faatasi le Iakopo 1:5. Na fai mai Iosefa, na ulu atu nei upu “ma le malosi tele i lagona uma o [lona] loto” (Iosefa Samita—Talafaasolopito 1:12). Valaaulia tagata auai e faaso mai ni fuaiupu o mau sa i ai se aafia malosi ia i latou pe na maua ai ni tali i a latou fesili.

Solo

Faatulaga se solo faigofie e i ai tagata po o vaega eseese e faatusa i mea eseese na tutupu, upumoni ua faaalia mai, po o faamanuiaga o le Toefuataiga. Pe a tusa ai ma tulaga, valaaulia tagata tai-toatasi po o vaega e faaso mai le taua o le mea na tupu, upumoni, po o faamanuiaga ua faatusa i ai. Atonu e mafai ona e maua se solo mo na’o tamaiti lava.

Taimi o le Tifaga

Tuufaatasi e matamata le vitio puupuu “Ole Atu i le Atua: O le Uluai Faaaliga a Iosefa Samita,” o loo maua i le ChurchofJesusChrist.org. Talanoa i mea e mafai ona e aoaoina e uiga i le tatalo mai le faataitaiga a Iosefa Samita. Faasoat atu pe faapei ou lagona e uiga i le fesootai atu i le Tama Faalelagi.



FAAMATALAINA O TALA

E mafai ona e faamatalaina le tala o le Uluai Faaaliga a losefa Samita? Oti ese faamatalaga e 10 o loo i lalo, faafefilo, ona taumafai lea e faatulaga i le faasologa sao. Fai o se taaloga e ala i le faia o ni kopi se tele ma vaai po o ai e mafai ona uma muamua po o ai e aupito itiiti ana mea e sese. Siaki au tali i le faitauina o le losefa Samita—Talafaasolopito 1:7-20. Ona fai paga lea ma faamatala le tala pe faasoat atu lau molimau e uiga i ai i se uo. (Faasologa sao: 3, 9, 8, 5, 7, 1, 10, 6, 2, 4.)

1. Sa tatalo leotele losefa mo le taimi muamua o lona olaga.
2. Ua ta’u atu e lesu Keriso ia losefa e aua nei auai i soo se tasi o lotu na i ai.
3. Na auai tagata o le aiga o losefa i se tasi o lotu Kerisiano.
4. Ua ta’u atu e losefa i lona tina ua ia iloa o lotu o loo auai ai tagata o lona aiga e le moni.
5. Ua filifili losefa e tatalo ma ole atu i le Atua mo le poto.
6. Ua faaali mai le Tama Faalelagi ma lesu Keriso.
7. Ua alu losefa i le vao.
8. Ua faitauina e losefa le lakopo 1:5 i le Tusi Paia.
9. Ua mafaufau losefa po o le fea le lotu moni.
10. E osofaia e Satani ia losefa ina ia le mafai ona ia tautala. ■

Mo Nifae, o le fauina o se vaa sa le o se ausiga faatauvaa. Na leai sana ata, leai se tusi mo le okaina o mea e faaaoga, ma ni mea-faigaluega. Ae sa ia te ia le faatuatua, se uiga o le galue malosi, ma faatonuga mai le Alii (tagai i le 1 Nifae 17:8).

Talanoaga

E faapefea ona fesoottai le faatuatua i le Alii ma le galue malosi?

E pei o le malaga atu o le aiga o Liae ma Sarai i le nuu o le folafolaga, o le a se malaga o tou faia o se aiga?

O a ni galuega e manao-mia ina ia taunuutu atu i le tou taunuuga?

Laupapa

Talu ai ona sa le masani ona maua ni laau fai laupapa i le talafatai o le Peninsula o Arapi, e masalo sa “alu atu” Nifae (tagai i le 1 Nifae 18:1) i mauga e tipi laupapa ma tautiga ai i le tosoina atu i le mata-faga. E foliga mai na alu faafia o ia ina ia lava ni laupapa e maua mai.



Meafai-galuega

Ina ia mafai ona faia meafaigaluega mo galuega e faaaoga ai laupapa, sa tatau ia Nifae ona su’e ma aveese mai le oa—o se faagasologa mamafatu lea e aofia ai eliina o papa mo minerale, tu’i ina o le papa, ma le faaliusuavaiaina ma le vaima-maina faatasi o minerale i lalo o se mea vevela tele e faaaoga ai le afi ma pamuea e mamanu ai uamea (tagai i le 1 Nifae 17:9-11).



Faa-tuatua

Sa faatuatua Nifae e mafai e le Atua ona faapa’umatūina le sami pe afai o Lona finagalo lea. Ae sa faatuatua foi o ia, e mafai ona fesoasoani mai le Alii ia te ia ia ausia le mea sa foliga mai e le mafai ona fai (tagai i le 1 Nifae 17:50-51).



O A Faamanuiaga Na Maua i le Pa'ū?

Ole filifiliga a Atamu ma Eva e aai i le fua o le laau faasaina sa o se vaega taua o le fuafuaga a le Tama Faalelagi. A aunoa ma le Pa'ū, o le a tatou le mauaina nisi o faamanuiaga silisili a le Tama Faalelagi. Mafaufau i mea nei:

1. O lo tatou olaga i le lalolagi (tagai i le 2 Nifae 2:20, 25)

2. Aiga (tagai i le 2 Nifae 2:19-20, 22-23)

3. Iloa o le lelei ma le leaga (tagai i le 2 Nifae 2:26)

4. Tuputupu ae ma le alualu i luma (tagai i le 2 Nifae 2:11, 22)

8. Toetutu (tagai i le 2 Nifae 2:8)

9. Ola e faava-vau (tagai i le 2 Nifae 2:27)

6. Saolotoga e filifili ai i le va o le sa'o ma le sese (tagai i le 2 Nifae 2:16, 26-27)

5. O le mafai ona lagona le olioli ma le fiafia (tagai i le 2 Nifae 2:23-25; 5:27)

7. Togiolaina e ala i le Togiola a Iesu Keriso (tagai i le 2 Nifae 2:5-10, 26)



O a ni auala e mafai ona e faailoa atu ai le loto faafetai i le Tama Faalelagi mo nei faamanuiaga? ■



E Faapefea Ona Tatou Faatoilaloina le Oti?

O le Pau o Atamu ma Eva na faailoa mai ai le oti faaletino ma le oti faaleagaga i le lalolagi (tagai i le 2 Nifae 9:6).

Talanoaga

O faapefea ona aumaia e le Togiola a le Faaola ia te oe le faamoemoe? (Tagai i le 2 Nifae 9:7, 19–23 mo nisi o manatu.)

Oti Faaleagaga

O le agasala, o le “oti o le Agaga,” e vavaeeseina ai i tatou mai le Atua (tagai i le 2 Nifae 9:8–10).



Oti faaletino

I le iuga o lo tatou olaga faaletino, tatou te oo ai i le “oti o le tino,” po o le tuueseeseina o le Agaga mai le tino (tagai i le 2 Nifae 9:4–7, 10).

O le Tali

O le Togiola a Keriso ua faatoilalo ai le oti faaletino ma le oti faaleagaga ina ia mafai ai ona tatou toe ulufale atu ai i le afioaga o le Atua (tagai i le 2 Nifae 9:11–12, 21–23). Pe a mavae le Toetutu, o le a toe faatasia o tatou agaga ma tino. Ina ia agavaa mo le ola e faavavau, e tatau ona tatou faatuatua i le Atua, salamo i a tatou agasala, ma ola ma le faamaoni i le talalelei.

Na aoao mai le Faaoala, “Ua matua sili upu a Isaia,” ma ua Ia poloaiina i tatou e suesue i ai (tagai i le 3 Nifae 23:1). O le tele o aoaoga a Isaia o ni faatusa ia o le galuega i le olaga nei ma le Afio Mai Faalua o Iesu Keriso. O ana upu e matua taua lava, o lea i le 2 Nifae 12-24, na tusia ai e Nifae ina ia mafai e tagata o e faitau i ai ona “sii i luga o latou loto ma olioli” (2 Nifae 11:8).

O Ai Isaia?

Na auauna **ISAIA**
o se perofeta mai le
740-701 TLM.

E toeitiiti lava 40 tausaga! I le taimi o lona valaauga, atonu e lei avea Isaia o se toeaina ulu sinasina lea e masani ona tatou vaai faalemafaufau i ai. E mafai ona e faitau e uiga i lona valaauga i le 2 Nifae 16.

SA I AI SONA AIGA.

E mafai ona e faitau e uiga i lona faletua, “le perofeta fafine,” ma le faaigoaina o lona atalii faatoa fanau mai e le Alii i le 2 Nifae 18:3.

Sa avea o ia o se

FAUFAUTUA SILI I LE TUPU

O ESEKIA. Sa tele se faatosinaga a Isaia i Ierusalem. Faamata na faapefea ona fesoasoani lena mea ia te ia i lana matafaioi o se perofeta?

O Isaia o le **perofeta**
aupito sili ona
TA'UA SOO i tusitusiga paia. O le tolusefulu-lua pasene o le tusi a Isaia o loo ta'ua i le Tusi a Mamona; o le isi tolu pasene ua toe faaupuina.

(Tagai *Tusi Lesona a le Tagata Aoao o le Feagaiga Tuai* 3rd ed. [tusilesona a le Ofisa o Aoga a le Ekalesia, 2003], 131.)

O le a lau fuaiupu e sili ona e fiafia i ai mai le Isaia?

O le igoa *Isaia* o lona uiga **“O LE ALII
O LE FAAOLA-TAGA.”** Sa mautinoa lona aoaoina mai o lena mea! E faapefea e le tauaveina i ou luga o le suafa o lesu Keriso ona taiala ai au filifiliga?



Saunia e Epikopo

Gérald Caussé

Epikopo

Pulefaamalumalu

Pe o E Ola Ea i se **OLAGA E SEFULU-TALĀ?**

Tausaga ua mavae, a o avea au ma se peresitene o le siteki i Pale, Farani, sa ta'u mai ai ia te au e faapea, o le a sūsū mai Peresitene Gordon B. Hinckley (1910–2008) i Pale mo ni aso se lua, ma o le a avea au ma ana avetaavale. O le a ou pikiina o ia i le malaevaalele ma ave o ia i lona faletalimalo ina ia mafai ai ona malolo o ia. O le aso e sosoo ai, ou te aveina ai o ia mo ni ana asiasiga. O se tasi o asiasiga sa manao o ia e faia i se fanuamaliu a le militeli a le I.S. lea o loo lagomau ai lona uso, o lē na maliu i le fulū i le taimi o le Taua I a le Lalolagi.

Ae ina ua ou pikiina Peresitene Hinckley, sa lei foliga na vaivai tele o ia. Sa ia uu i luga lona tootoo ma fai mai, “Peresitene Caussé! Ta o loa e galulue!”

Sa fia alu o ia i le fanuamaliu i le taimi lava lena. Ae paga lea, na ou logoina le faatonu e o atu iina i le aso e sosoo ai, o lea la, ina ua ma taunuutu, na tapuni ma na leai se tasi sa i ai iina.

O le aso na sosoo ai, sa ma pisi tele ma sa leai se taimi ma te toe o atu ai i le fanuamaliu. I lena afiafi, sa tuuina mai ai e Peresitene Hinckley se \$10 (I.S.) pepa ma fai atu, “ou te faamalie atu na le'i mafai ona ou alu i le fanuamaliu. Ou te matuai faafetai tele pe a mafai ona e faatauina ni fugalaau ma tuu i le tuugamau o lou uso.”

Sa ou faatauina fugalaau, ae ou te lei faaaogaina lena tupe pepa. O le aoauli o le Aso Sa na sosoo ai, sa matou o ai ma lo'u aiga ma tuu teu fugalaau i luga o le tuugamau. Sa matou pueina se ata o lo matou aiga i luma o le tuugamau ma fugalaau uma ma auina atu ia Peresitene Hinckley.

O loo ia te au pea lena \$10 pepa. O loo i totonu o a'u tusitusiga paia. Afai ou te fesili atu, “O le a le taua o lenei tupe pepa?” o le tele o tagata o le a fai mai, “Sefulu tala.” Ae ia te au, e tele mamaao atu lona taua. O lenei tupe pepa *sa* sefulu tala lona aoga, ae mo a'u, e taugata tele i le taimi lenei. O se mea e manatua o sina taimi sa ou maua faatasi ma se perofeta a le Atua.

Pe o e vaavaai
atu ea i le tāua
faaletino o mea
po o le tāua
faavavau o mea?



Tuu i Lou Olaga le Faamoemoega ma le Aogā e Faavavau

I o tatou olaga, o loo i ai le tele o mea e i ai sona tāua e le gata mai faaletino. E toatele tagata o loo ola i se mea ou te ta'ua o se olaga "sefulu tala." O ituiga tagata nei e mafai ona faapea mai, "Aai, feinu, ma fiafia, aua o taeao tatou feoti" (2 Nifae 28:7).

Ae o le tāua o minute taitasi o le olaga iinei i le lalolagi e i ai se aafiaga maoae e i tua atu o lenei olaga e tau i le faavavau. O le faafeagai o uiga faaalua o le "aai, feinu, ma ia olioli" o le ia "toluai mo outou lava oa o le lagi" (Mataio 6:20).

O ni nai faataitaiga nei o le tuuina o le faataua e faavavau i mea:



1 *O le malumalu.* Mo le toatele o tagata, e na o se maota matagofie lava. E matagofie, ae mo i tatou, o le maota o le Alii, lea e mafai ona tatou maua ai sauniga ma osia ai feagaiga e faataga ai o tatou olaga ma o tatou aiga ina ia faavavau.



2 *O Le Tusi a Mamona.* O le tele lava o tagata o le a faapea mai, ua na o se tusi e i ai se tala manaia. Ae mo i tatou, o le afioga a le Atua.



3 Sefuluai. O le toatele o tagata o le a fai mai, “O le tupe lena e te tuuina atu i lau ekalesia.” Mo i tatou, e le na o se tupe. O se faaaliga o le faatuatua ma le usiusitai i poloaiga a le Alii. Ma e faatusa i faamanuiaga e mafai ona tatou maua pe a tatou faamaoni.

4 O le Upu o le Poto. E toatele tagata e faapea mai, e faata-tau i le soifua maloloina faaletino. E moni lena mea, ae e sili atu nai lo o lena. Ua tatou iloa afai tatou te mulimuli i le Upu o le Poto, o le a faatasi le Agaga o le Alii ma i tatou.

Saili le Ogatasi i le va o le Faaletino ma le Faaleagaga

O itu faaletino ma faaleagaga o o tatou olaga e felavesia'i vavalalata lava, ma e le tatau ona tatou taumafai e tuveseese i laua. O vaega faaletino e tatau ona auauna atu ai i faamoe-moega e faavavau.

Ua fetalai mai le Alii, “O mea uma lava ia te au, e faaleagaga ia” (Mataupu Faavae ma Feagaiga 29:34). Ua Ia fetalai mai foi e faapea, “o le tagata o le agaga lea. O elemene ua faavavau, ma o le agaga ma le elemene, ua soofaatasi e le matuueseesina, e mauaina se atoatoaga o le olioli; ma a tuveseese, e le mafai e le tagata ona maua se atoatoaga o le olioli” (Mataupu Faavae ma Feagaiga 93:33–34). E le mafai ona atoatoa lo tatou agaga pe a aunoa ma le tino, ma o le mafuaaga lena o le i ai o le toetutu. O le faaeaga e i ai i le sootaga ogatasi ma le lotogatasi i le va o le faaletino ma le faaleagaga.

Faia o Faaieu faatasi ai ma le Agaga

O faaiuga e faatatau i mea faaleagaga po o mea faaletino e tatau ona faia faatasi ma le Agaga o le Alii. E i ai se vaaiga e faavavau a le Alii. Na te silafia mea uma mai le amataga e oo i le iuga. E alofa atoatoa o Ia ia i tatou—e sili atu nai lo le tatou

alolofa ia i tatou lava. O le sailia o Lona finagalo, nai lo o tatou lava loto, o le a atili ai ona fiafia ma lelei o tatou olaga. E mafai ona tatou iloa Lona finagalo e ala i Lona Agaga, lea e oo mai e ala i le tatalo, faitauina ma le mafaufau loloto i tusitusiga paia, ma le fefautuaai ma o tatou aiga.

E mafai faapefea la ona tatou iloa Lona Agaga? Ua fetalai mai le Alii:

“Ma o le mea ua lē faagaeetia ua lē mai i le Atua, ma o le pouliuli lea. O le mea e mai i le Atua o le malamalamama lea; ma o ia o lē e mauaina le malamalamama, ma tumau pea i le Atua, e mauaina le malamalamama atili; ma o lena malamalamama o le a tupu susulu malamalamama tele pea lava pea seia oo i le aso e atoatoa ai” (Mataupu Faavae ma Feagaiga 50:23–24).

I se isi faaupuga, o mea e faagaeetia ai i tatou, o mea e atiina ae ai i tatou, o mea e aumaia ia i tatou le olioli, o mea e maua ai le malamalamama i o tatou olaga, ua musuia mai le Atua. O nisi taimi e oo lava i o tatou lava manatu e musuia e le Atua.

Sa ou faia ni faaiuga e faavae i uunaiga faaleagaga ina ua fai mai lo'u poto e fai se isi mea. O lena mea ua faamaonia lava e sili atu ona maualuga i le mea o le a faatonu mai e lo'u poto.



5 Molitino faaleulugalii. O le tele lava o tagata e manatu ua na o se tuinanau faaletino. Ae i le va o se alii ma se tamaitai ua faaipoipoina, aemaise lava i latou o e ua faamauina i le malumalu, e sili atu nai lo o lena. E faatatau i le i ai o se aiga ma le faaali atu o le alofa ma le lotogatasi i totonu o se faaipoipoga.

6 Aoga ma galuega. O le toatele o tagata o le a faapea mai, o le auala tatou te maua ai se olaga toafimalie ma taulima ai manaoga o o tatou aiga. Ae tatou te talitonu e faatatau foi i le fausiaina o le ola tutoatasi, o se mataupu faavae faaleagaga lea. E mafai ona tatou faaaogaina lo tatou fitalia e tutoatasi ai ma fesoasoani i isi.

Mo se faataitaiga, ina ua uma ona ma filifili ma lo'u toalua ma le faaipoipo, sa ma malilie e tuu se vaaiga e faavavau i la maua faaipoipoga—ia toaga pea i le Lotu, ia faaipoipo i le malumalu, ma isi lava mea. O na filifiliga ua matuai faamanuiaina ai i ma'uua ma tuuina mai ai le umi ma le loloto i la ma'u faaipoipoga.

I se tasi o taimi i lo'u olaga, sa i ai sa'u galuega sa maualuga le totogi faatasi ai ma ni tiutetauave ma ni faailoaga maoae. I se tasi aso na fai mai ai lo'u toalua, "Ua e pisi tele i lau galuega. E tatau ona e tatalo ma mafaufau pe tatau ona su'e sau galuega fou o le a mafai ai ona tele ou avanoa e auaua atu ai i le Alii." Sa ma tatalo ma maua se faamautinoaga mai le Agaga e tatau ona sui la'u galuega. Ae sa fai lava si o'u le mautonu. Ina ua ou tatalo e uiga i ai, sa ou ta'u atu i le Alii le igoa o le kamupani e tasi o le a ou mafaufau e faigaluega ai pe afai ou te faamavae ma la'u galuega.

O le tolu vaiaso mulimuli ane, sa ou faafesootaia ai se ofisa e sueina tagata faigaluega ma faia ai se faatalanoaga. I le faaiuga, na fai mai ai le tagata, na faatoa talosaga nei mai lava se tasi o ana kamupani mo se faatonu fou. O le kamupani lea na ou ta'uua i la'u tatalo. O se kamupani laitiiti, ma e ta'i 10 tausaga pe a ona faatoa i ai lea o ni avanoa faapenei. O se vavega lava.

Sa ou talasua ma ta'u atu i lo'u toalua, "o loo i ai sa'u tala fiafia ma se tala le lelei. O le tala fiafia o le a faafaigaluegaina ai a'u e le kamupani lena. O le tala le lelei o le, ou te manatu o loo teuina e le Alii se mea mo a'u."


Sa ou saini e amata i le kamupani lena i se Aso Faraile. I le Aso Toonai, na valaauna ai au e avea ma peresitene o le siteki.

Sa ma tuuina ma lo'u toalua se faataua tele atu i uunaiga a le Agaga ma le tautuaina o le Atua nai loo faamanuiaga faaletino po o lo ma'uua lotomalie faaleatamai po o le aloaiaga faaleagafesootai. Sa ma'uua sailia le finagalo o le Alii ma maua ai le faamautinoaga faaleagaga e faapea, o le a lelei mea uma. O se tasi lena o aafiaga aupito maoae i lo'u olaga.

Tagai i le Tāua Moni

Ou te le'i faanoanoa i le faamuamuaina o le faaleagaga i lugaa'e o se isi lava manatu. O nisi taimi e lagona ai le pei o se osigataulaga, ae ua ou aoaoina e faapea, i se vaaiga umi mulimuli ane, e na'o le pau lenei o le mea e taulia. Aua le ola i se olaga e "sefulu-talā." O le faaogatusa o o tatou olaga ma le faamoe-moega o lo tatou olaga nei o se tuufatasiga lea mo le olioli ma le fiafia, e le gata i lenci olaga ae faapea foi i le olaga a sau. ■

Faatasi ai ma
se māmā e
tasi o loo aogā ma
se tuasivi pi'o, sa
ou manatu o le
a le manuia lo'u
lumanai e pei
ona sa ou vaai
faalemafaufau i ai.



E Finagalo o la ia Ou Fiafia

Na ua faanatinati atu a'u i le potu mo faalavelave faafuasei ua le mafai ona gaoioi o'u māmā uma e lua, sa ou faapea ua uma ai lo'u ola. Ou te lei saunia faalelagona pe faaleagaga i le taimi lea mo le mutaaga, ae na fati lo'u tino ia te au. Sa faigata i lo'u aiga ona vaai mai ia te au i lea tulaga, ae sa tumau lo latou malolosi, ma sa faamanuiaina au i le toe manuia mai.

E lei uma ai iina au tauiviga. Talu mai lena taimi, e tatau ona ou ola i lou olaga ma na'o le tasi le māmā o loo galue pea ma se tuasivi pi'o. O aso uma lava e tiga ma faigata. Sa i ai se taimi na ou mafaufau ai, e sili atu pe a ou oti nai lo o le faaaauau pea ona mafatia. Sa ou lagona le vaivai, e le na'o le

faaletino, ae o le faalemafaufau ma le faaleagaga foi. Sa leai so'u faamoemoe ma se talitonuga mautinoa. Sa amata ona ou tuleia ese tagata i lo'u olaga o na faamalosiauina au. "Ae latou te lei fiu ia te au. Sa latou alolofa ma tausia au, ma sa faaaauau pea ona lagolagoina au e au uo. Ae ui i lea, sa ou lagonaina lava o le a le manuia lo'u lumanai e pei ona sa ou vaai faalemafaufau i ai.

I se tasi po sa oo ai ina ou lagona ina le faanoanoa tele. Sa tonu ia te au e tatau ona ou fatauina lo'u faamanuiaga faapeteriaka. Na maligi o'u loimata i le taimi na ou fatauina ai nai laina muamua, "E popole ma e alofa lo tatou Tama o i le Lagi ia te oe. "E finagalo o Ia ia e fiafia i lenei olaga."

I lena taimi, sa ou iloaina ai o loo i ai moni i le Tama Faalelagi se lumanai matua faamanuiaina ua teuina mo a'u ma ni faamanuiaga matagofie ou te faamoemoe i ai pe afai ou te mulimuli i le ala e finagalo o Ia ou te ui ai.

Na silafia e lo tatou Tama oi le Lagi o le a tatou tauivi uma, o lea na Ia auina mai ai lona Alo, o Iesu Keriso, e puapugatia mo i tatou ma ia faamafanafanaina i tatou. O le telē lena o lo laua alolofa ia te i tatou. Atonu ou te tauivi pea i aso uma o lo'u olaga iinei i le lalolagi, ae ou te iloa o loo i ai pea lo Laua alofa iina mo a'u ma o le a faataunuina uma a Laua folafolaga pe afai ou te pipiimau pea ma mulimuli ia i Laua. ■

Precious Guiuo, Rizal, Filipaina

O Le Tusi a Mamona o le Matou Faifeautalai Lea

Ina ua oo le ma tei i se faalavelave matuia, sa ma talanoa ma lo'u toalua, o Ana Maria, e uiga i lo ma fia iloa o le upumoni i le tele o tapuaiga ma tali-tonuga esece. I se tasi o aoauli sa ou saofai ai i luga o lo'u moega ma tatalo, "le Alii e, faamolemole fesoasoani mai ia ou maua se auala e iloa ai po o le fea le lotu moni."

E lima minute mulimuli ane, ae tatagi loa ma le telefoni. Na valaau mai se ue e valaaulia i ma'ua ma lo'u toalua i lona fale e aoao e uiga i nisi o oloa o meaai maloloina. Sa ma o, ma a o ma i ai iina, sa tuuina mai e le ma uo ia i ma'ua se Tusi a Mamona. I le itulau autu sa i ai se faamatalaga patino: "Ou te faamoemoe e fesoasoani lenei tusi ia te oe e latalata atili atu ai i lo tatou Alii o Iesu Keriso."

O le aso na sosoo ai, sa ou tilotilo ai i le tusi ma toe tatalo foi, "le Alii e, tau mai ia te au pe moni lenei tusi. Ou te le fia faatiga ia te oe i le faitauina o se mea leaga."

Sa amata ona ou faitau. A o ou faitau, sa ou lagonaina e pei na ou iloa tagata o le Tusi a Mamona. Ina ua ou tau i le faaiuga, sa matuai ou tiga lava i le faatafunaga o sa Nifae o lea na ou tagi ai. E faitau selau ni tusi na ou faitauina, ae e leai se tusi na ou ootia ai i le ala na faia e le Tusi a Mamona. Na ou iloaina ua moni.

I se tasi Aso Sa sa ou valaaulia ai Maria ma te o atu faatasi i se falesa e lata ane a le Ekalesia a Iesu Keriso o le Au Paia o Aso e Gata Ai. Sa ou faapea ai a le fia sau, ae na ia malie i ai. Sa ma fiafia i mea sa ma faalogo i ai. Ina ua maea, sa fesili mai tagata o le uarota pe mafai ona latou auina mai faifeautalai. "Ioe," sa ma tali atu ai.

E le'i umi ae taunuu mai faifeautalai ma uu mai le Tusi a Mamona ma fai mai

e i ai se la savali e faasoa mai ia i ma'ua. "E ese le manaia o lena tusi," sa ou fai atu ai. "Ua uma ona ou faitau i ai." Sa tete'i i laua i lenei mea. Ona faate'i lea o au e Ana Maria. "Ma o loo o'u faitaua i le taimi nei," sa ia fai mai ai. "Ua ou oo ia Mosaea."

Sa tau o ia i le tusi i luga o le laulau i le mea na ou tuua ai i aso uma ae ou te'i alu e faigaluega ma amata ai ona ia faitauina. Mulimuli ane, sa ia toe faateia a'u ina ua fai mai, a o ou tatalo mo se

taitaiga mai le Tama Faalelagi i ni nai vaiaso na muamua atu, sa ia faia foi lena lava tatalo i se isi itu o le ma fale.

Sa ou ta'u atu i faifeautalai ua ou sauni e papatiso. Sa la aoaoina i ma'ua i lesona, ma o le lua vaiaso mulimuli ane, sa papatisoina ma faamauina ai i ma'ua ma lo'u toalua. Ma te matua faafetai lava ona na auina mai e le Alii ia i ma'ua le Tusi a Mamona e fesoasoani ia ma iloa ai po o le fea o lotu e moni. ■

Maria Hernandez, Texas, ISA



Ina ua ou tatalo mo se taitaiga mai le Tama Faalelagi, sa faia foi e lo'u toalua le tatalo lava e tasi i se isi itu o le fale.

"Ua Ou Fia Alu i le Fale"

Ao ma aai ma lo'u toalua i le aoauli i se faleoloa sanuisi i le lotofale, sa savali mai i totonu se alii foliga ve'uve'ua, leiloa ma le le mautonu. Ina ua savali agai mai o ia i le ma laulau, sa ou te'i ona sa le'i fai mai mo se tupe. Sa ona ia fesili mai mo le faasinoga o le auala e alu i Flagstaff, Arisona. Sa ma tuuina atu ma lo'u toalua ia te ia ni faasinoga. Sa ia faafetai mai ia i ma'ua ma aluese atu.

Ina ua uma ona ma aai, sa ma agai atu loa i le fale. E lei umi ae ou vaaile tamaloa o savali atu i le pamu penisini. Sa ou maua se uunaiga malosi e fesoasoani atu ia te ia ma fai atu loa i lo'u toalua e afe le taavale i le pamu kesi. Sa ou maua le tamaloa ma faailoa atu i ai lo'u igoa. Sa faanoanoa ma lelava ona mata. O ona foliga sa pei na vane ai ni laina loloto mai se olaga faigata.

Sa ou fesili atu pe na faapefea ona ia fuafua e alu atu i Flagstaff. Sa ia fai mai, o le a savali. Sa ou iloa o le a faigata lena mea ona o Flagstaff e silia ma le 120 maila (193 km) le mamao. Sa ou tuuina atu ia te ia se tupe ma fai atu ia te ia, e mafai ona alu i se faleaiga

lata ane mo meaai faavavave e faatau ai sana meaai, ma o le a ou toe foi mai e momoli o ia i le nofoaaga o pasi ma faatau se pepa e alu ai i le pasi i Flagstaff.

Sa ou toe foi atu i le taavale ma ta'u atu i lo'u toalua le mea na tupu. Ona o ona faafitauli tau i le soifua maloloina, sa ou valaau ai i sa'u uo ma talosagaina e sau ma te toe o. Sa malie mai o ia. Sa ma aoina mai ni sapalai, meaai, ma ni vai. Ona ma tietie atu lea i le faleaiga ma piki mai le tamaloa.

A o matou o atu i le nofoaga o pasi, sa amata ona fai mai soo si tamaloa, "Ou te fia alu i le fale" Sa ou fesili atu pe o Flagstaff sa i ai lona fale. E leai ae o lona afafine, o lē ua o ni nai tausaga e le'i toe talanoa i ai, sa nofo iina. Sa ia faamatala mai e faapea, o le lua vaiaso na muamua atu na tatala mai ai o ia mai le falepuipui. Sa momoli atu i laua ma se tasi o pagota ua magalo i le nofoaga o pasi ma tuuina atu ia i laua uma ni pepa malaga o le pasi. Sa gaoi e le isi pagota lana pepa malaga ma si ana tupe itiiti na i ai. Talu mai lena aso, na fealualuai ai lava i le ala tele. E leai se tasi e fesoasoani ia te ia.

Sa ia toe fai mai foi, "Ua ou fia alu i le fale."

Sa matou taunu atu i le nofoaga o pasi. Sa ou faatauina lana pepa malaga ma tuuina atu ia te ia se tupe ma sapalai na ma'ua aoina mai. Sa ia faafetai mai ia i ma'ua ma saofai i lalo. A o ma o ese mai, sa ou faalogoina pea lava pea upu a le tamaloa i lo'u mafaufau: "Ua ou fia alu i le fale."

Pe le o le mea ea lena tatou te mananao uma i ai? Tatou te le o i ai uma lava mai le aiga alofa na tatou tuua ina ua tatou o mai i le lalolagi. E mafai e i tatou uma ona se mai lo tatou ala, o lea na faaali mai ai e Iesu Keriso ia i tatou le ala e mulimuli ai, ma e ala mai i Lana taulaga togiola, na totogiina ai le tau maoae mo a tatou agasala. E pei lava ona le mafai e lenei tamaloa ona foi atu na'o ia i le fale, e le mafai foi ona tatou foi atu i lo tatou aiga faalelagi e aunoa ma lo tatou Faaola. ■

Audrey Simonson, Arisona, ISA

Sa ou vaai lona savali atu i le pamu kesi ma na ou maua se uunaiga malosi e fesoasoani atu ia te ia.

Sa I Ai Isi Fuafuaga a le Alii mo i Matou

Sa masani ona ou tuua le pale i le 8:00 i le taeao ma toe foi atu i le vaeluaga i le uma ai ona faigaluega i le aso atoa ma alu i le vasega i le po. I taimi puupuu na ma faatasi ai ma lo'u toalua o Tanielu, ma te feupuai ai lava. Na faaletonu mea uma. Sa toetoe lava a ma tete'a.

I se afiafi o se tasi Aso Sa ina ua uma se finauga, sa faapea mai Tanielu, "Atonu e tatau ona ta faatalata atili atu i le Atua." O le aso na sosoo ai, a o i le pale Tanielu e vaai le ma atalii, sa tu'itu'i mai faifeautalai i lo matou faitotoa.

Ina ua amata ona asiiasi mai faifeautalai ia i matou, sa ou le ioaina mea uma sa la aoaoina mai. Ae ina ua mavae ni nai lesona, sa i ai se mea na amata ona matou lagonaina. Matou te lei iloa po o le a, ae sa matou faamatalaina o se faalogona "ofoofogia," o le toafilemu ma le lotogatasi. Sa tumau ai lava e ui ina sa malaga ese atu faifeautalai. Na matou iloaina sa matou manaomia soo lena lagona i totonu o le matou aiga.

O le musuia ai e le savali a faifeautalai e uiga i le taua o le aiga, sa ma vavalata ai ma Tanielu i le ma faaipoipoga.

Sa ou faamoemoe o le alu i le aoga o le a oo atu ai i se tulaga e sili atu ona lelei i la'u galuega. Ae sa ma filifili e taulai atu i lo matou aiga, faaalu faatasi ni taimi se tele, ma ia maua nisi fanau se toatele. Sa ou faamavae ma le aoga, faamavae ma la'u galuega, ac ou faigaluega o se failautusi ia Tanielu i lana pisinisi o le taulimaina o iniseti faalafuā.

E itiiti ifo ma le tolu masina talu ona mavae le asiasiga muamua a faifeautalai, ae papatisoina ma faamauina i ma'ua. Na telē se suiga o o matou olaga. Sa amata ona ma ola i le tulafono o le sefuluai. Sa amata ona matou tatalo i le pale ma i le galuega faatasi ma le aufaigaluega a Tanielu. Sa amata ona matou auauna atu i le Ekalesia. Sa ola le pisinisi a Tanielu, ma sa manaomia lona faafaigaluegaina o nisi tagata faigaluega.

Ina ua mavae le tausaga talu ona ma papatiso, sa ma o atu loa i le malumalu ina ia faamauina. I ni nai aso talu ona mae'a le faamauga, na ou iloa ai ua ou maitaga.


O Aso Sa e le faigofie ia i matou. E vave alu Tanielu mo fonotaga a fautua



maualuga. E tatau ona ou tapenaina na'o au la maua fanau e toatolu mo le lotu. Ae ua mafai ona matou fefaaasoai faatasi le tele o le taimi i le aluga o le vaiaso. E tusa la pe i ai taimi matou te valavala ai i Aso Sa a o matou auauna atu i le Alii, matou te iloa ua faamanuaina i matou.

Ua matou maua se molimau, a tatou faia la tatou vaega, e mafai ona fesoasoani le Alii ia i tatou, ma e oo mai faamanuiaga. Ua tele atu mea ua matou maua nai lo le mea na matou faamoemoe i ai mai a matou lava fuafuaga. E lelei atu mea sa i ai i le finagalo o le Alii mo i matou. ■


Claudia Zepeda, Risone o Coquimbo, Chile





"A TATOU MULIMULI I LE
SIUFOFOGA O LE ATUA MA
LANA ALA O FEAGAIGA,
O LE A IA FAAMALO-
SIA I TATOU I O TATOU
TOFOTOFOGA."

Elder Jorge M. Alvarado,
"Pe a Mavae le Tofotofoina
o lo Tatou Faatuatua," 50.



TO FU LOLOTO

O Le A Le Uiga o le Avea Ma Se Soo?

"O le avea ma soo e le o le faia o mea ia atoatoa," sa saunoa ai Elder Dieter F. Uchtdorf, "o le faia o mea ma le loto i ai" ("O Lau Malaga Sili," 87). O a matou filifiliga, sa saunoa mai ai o ia ma isi failauga o le konafesi aoao, nai lo o matou tomai e faaalia ai po o ai moni lava i tatou.

- O i tatou ea o ni soo moni o la o lē na foai maia Ana mea uma mo i tatou? . . . Ou te augani atu i tagata uma e faalogo ma faiatou i nei upu: Faamolemole, faamolemole aua ne'i aveesea lo outou tuuto atoa seja oo ina e tau atu i ai i se taimi e le tupu i le lumanai" (Elder Terence M. Vinson, "O Soo Moni o le Faaola," 11).
- "O le Au Paia o i latou ia ua ulu atu i le feagaiga o le talalelei e ala i le papatisoga ma o loo taumafai ia mulimuli ia Keriso o ni Ona soo. O lea, 'o le olioli o le au paia' ua faailoa ai le olioli o le avea e faapei o Keriso" (Elder D. Todd Christofferson, "O Le Olioli o le Au Paia," 15).

- "Ou te valaaulia outou ia tuuto atu i se faagasologa i le olaga atoa o le avea ma soo. Osia ma tausia feagaiga. Tau'ai a outou auala tuai i afu loloto ma tatafe. la tatanu atoa tou auupega o le fouvale e aunoa ma le lala mai i luga o 'au" (Elder Dale G. Renlund, "Tautinoga Mausali ia lesu Keriso," 25).
- "O la tatou folafolaga ia manatua pea le Faaola tatou te maua ai le malosi e tu atu ai mo le upumoni ma le amiotonu—pe o tatou i ai i se faapotopotoga toatele o tagata po o ò tatou nofoga tuufua, lea e leai se tasi e iloaina a tatou amioga vagana ai le Atua" (Lisa L. Harkness, "Faamamaluina o Lona Suafa," 61).
- "O soo moni o lesu Keriso e alolofa i le Atua ma Ana fanau e aunoa ma le faamoemoe i se mea e tau mai ai. Tatou te alolofa ia i latou e faaitaina i tatou, o e e le fiafia ia i tatou. E oo lava ia i latou o e faifai mai, sauai mai, ma saili e faatiga ia i tatou" (Elder Dieter F. Uchtdorf, 88).

A FIO MAI

"E moni lava o le vaaiiga ma le leo sili ona faagaeetiaina o le olaga e faapea, o lesu e le gata ina maliu ane ae e afio mai o la ia i tatou, tu i o tatou *talaane*, ma faia Lona apitaga *faatasi ma* i tatou."

Elder Jeffrey R. Holland, "O Le Savali, o le Uiga, ma le Motu o Tagata," 8.

*O numera uma o itulau e maua
mai le Liahona o Novema 2019.*

FAIA LE LOTU "IA ONO ASO LE UMI ATU!"

"O le suesueina o tusitusiga paia faatasi ai ma le avea o le *Sau, Mulimuli Mai ia te A'u* o se taiala o loo faamalosia ai lo tatou liua ia lesu Keriso ma Lana talalelei. Tatou te lē na ona faafesuaia o le itula e tasi ua aveese mai le lotu i le Aso Sa mo le itula e tasi ua faoopoopo atu i suesuega o tusitusiga paia i le fale. O le aoaoina o le talalelei o se taumafaiga faisoo i le aluga o le vaisaso. E pei ona faasoa mai ma le malamalamā e se tasi o tuafafine ia te a'u, 'O le sini e le o le faapuu-puuina o le lotu i le tasi le itula; ae ia ono aso le umi atu o le lotu!'"

Mark L. Pace, "*Sau, Mulimuli Mai ia te A'u*—o le Fuafuaga Mamao a le Alii e Faatoilalo ai le Fili," 46.

A U A L A
E . . .



Mauaina o Faaaliga

"O le polokalama fou a le Eklesia mo tamaiti ma le autalavou ua fausia i luga o le faavae o le aoaoina e saili ia faaaliga, iloaina o le mea e finagalo le Alii tatou te faia, ona galue lea i luga o lena faatonuga," na saunoa mai ai Sister Michelle Craig, Fesoasoani Muamua i le Au Peresitene Aoao o Tamaitai Talavou. Sa ia faasoa mai ni auala se fa e mafai ona faateleina ai lo tatou gafatia faaleagaga e maua ai faaaliga e manaomia:

1. Fatu se taimi ma se avanoa e lagona ai le siufogaga o le Atua.
2. Faatino e aunoa ma le faatuai.
3. Ole atu i le Tama Faalelagi mo se feau.
4. Talitonu ma faatuatua i le Atua e taitai oe.

Tagai ia Michelle Craig, "Gafatia Faaleagaga," 19–21.

O Le Agaga Na Faia le Eseesega

Saunia e Michael R. Morris

Mekasini a le Eklesia

Faafetai i se kosi a le Tautua mo le Ola Tutoatasi ma le taitaiga mai le Agaga Paia, na maua e Moli Kohrman le lototele e amata ai lana ia lava pisinisi.

Efaapefea e se tagata e i ai se tikeri i fofo faafafia ma le 10 tausaga o aafiaga i le matata o le soifua maloloina faalemafaufau ona i'u ane i le tatalaina se faleoloa o meaai suamalie e faatau atu ai poloka keke felanulanua'i, poloka keke lanuauero, ma aisa kulimi?

Mo Moli Kohrman, e faigofie lava le tali. I le 2017 sa ia faia ai se kosi e 12 vайасо a le Tautua mo le Ola Tutoatasi i le auala e amata ma atinae ai la oe lava pisinisi. O lena kosi na tuuina atu ai ia te ia le lototele e tulitulimatagau ai se miti.

Sa fai mai o ia, "Sa ou aoga i se aoga e gaosia meaai i falaoamata i Uosigitone, D.C., ma sa ou alu i le aoga kuka i Iuta." "Ina ua fai mai la'u siteki o le a latou faia ni vasega o le ola tutoatasi, sa ou mafaufau, 'Atonu e tatau ona ou vaavaai i lenei mea. Sa ou manao lava ia i ai sa'u lava pisinisi. Ua uma ona ou faia isi vasega faapisinisi. O le a le afaina le aoao atili pea."

O le kosi sa ese lava mai isi vasega faapisinisi po o vasega e faia meaai i falaoamata sa alu ai Moli. O le mea na tulagaese ai, na ia fai mai ai, o le i ai o le Agaga Paia ma le agaga o le fegalegalea'i faatasi o tagata o le vasega.

"O talanoaga faapisinisi sa lelei ma aoga," sa ia fai mai ai, "ae o le itu faaleagaga na faapipii faatasi atu i talanoaga

faapisinisi sa faapea ona faia ai le ese esega tele mo a'u."

Taleni ma le Le Mautonu

"Sa ou oo i se le mautonu faalelagona," o le tala lea Moli. "Sa ou mafaufau pe mata o le faaaogaina uma o la'u teugatupe, taimi, ma le malosi e amata ai se pisinisi, o le faaaogaaga sili ona lelei lea o a'u punaoa, ae, i le taimi lea, sa ou faigaluega ai i le puipuia o le pule i le ola."

I le taimi o lana vasega muamua, sa talanoaina ai e Moli ma isi tagata auai le finagalo o le Alii ina ia faamanuia ina Lana Au Paia ma ia filifilia se ala manuia e aumaia ai ia i latou le olioli. Sa ia fesili atu i le vaega, "E faapefea ona e faafetaua le faaaogaina o taleni ua tuuina atu ia te oe mo mea e taua atu e faatusatusa i le faaaogaina o au taleni mo se mea na ona e manao e fai?"

A o talanoaina e le vaega lana fesili, sa faapea ona iloa ai e Moli o le a le na'o poloka keke suamalie na te faatauina atu. Afai e faamaonia le faamanuia ina o lana pisinisi, o le a ia fafaigaluegaina tagata, o le i ai ana punaoa tautupe e foai atu i faamoemoega tatau, ma, o le taimi lava e faiifo ai ona itula faigaluega, e mafai ona toe foi atu i galuega o agafesootai o se volenitia.

"Ana le faia lava le talanoaga lena ou te le matuai malamalamalama lelei. Ana ou le i ai lava i totonus o se potu e tumu i tagata e tutusa manatu, ou te le malamalamalama lelei i ai. Sa matou i ai uma i ni tulaga eseese o le faagasologa o le pisinisi, ma i ai foi i tulaga eseese o le olaga, ae sa i ai iina le Agaga, ma sa mautinoa lava lona taialaina o le matou talanoaga —i vasega taitasi. Sa ou iloaina afai o le i ai o lau lava pisinisi o le mea moni lea sa ou manao i ai, o le a lagolagoina au e le Tama Faalelagi."

Poloka Keke Suamalie ma Faamanuiaga

Pe tusa o le afa o lana kosi e 12 vайасо, ae amata e Moli ona tao ma faasoa atu ni polokala keke suamalie i tagata e toa 10 o lana vaega o le ola-tutoatasi.

Sa fai mai o ia, "Sa leai ma se feita o i latou i lena mea, ma sa matuai lelei lava ni manatu faaalia a ni isi o i latou." "Sa amata ona ou faataitaia ni tofo eseese, o kulimi tau malo, ma kulimi fatufatua'i. E oo ane i le faaiuga o le vasega, ua ou maua se manatu manaia i le mea sa ou manao e fai."

Fai mai Moli sa taua tele faapoto-poto faatasi i vайасо taitasi ma lana vaega, tali atu le tasi i le isi mo tautinoga faalevaiaso, aoao i auala ma po

o ai e fesili i ai mo le fesoasoani, ma faatonutonu le tasi ma le isi i punaoa e manaomia.

“I le taimi atoa sa matou faatasi ai, sa ou lagonaina le faamanuiaina ma le lagolagoina e tagata o la’u vaega,” o lana tala lea. “Sa fesoasoani le vasega ia ounofouta i mea uma sa tatau ona ou fuafuaina.”

Ina ua uma ona tatalaina lana faleoloa poloka keke i le tautolu o le 2018, sa vave ona iloa e Moli, o le faatautaia o se pisinisi e tele atu le taimi e alu ai nai lo o le mea sa ia mafaufauina. Ae o se mataupu faavae o loo ia manatuaina mai lana vasega o le ola tutoatas o loo faaauau pea ona faamanuiaina o ia.

“Sa ma talanoaina o le a matuai tele lava le manaomia o lo matou taimi, ae o le a i ai se eseesege pe a matou faavanoaina se taimi mo le Agaga,” o lana tala lea. “Ua ou iloa e moni lena mea. Afai e faafuasei ona ou lagonaina le lofituina ma le atuatuvale, ou te faalogo i tusitusiga paia po o se lauga o se konafesi aoao a o ou galue na o au i le taeao, ma e faatoofilemuina ai lo’u mafaufau ma aumaia ia te au le filemu.”

O lena lagona o le filemu, faatasi ai ma tagata faatau naunautai, fiafia, ma

faamalicina e faaosofia ai pea Moli—e oo lava i aso faigaluega uumi.

Fai mai a ia, “E le mafai ona ou amatalia lenei pisinisi e aunoa ma le fesoasoani a le Tama Faalelagi.” “Ma ana le seanoa le fesoasoani ma le lagolago a le toatele o isi tagata, semanu e le mafai lava ona faia. O se avanoa maoae lenei. Ua leva ona ou manao e fai.”

Ma e faafetaia lana vasega o le ola tutoatasi, “Ua faamanuiaina au i le avanoa e taumafai ai.” ■



E Faapefea Ona Ou Talanoa i La'u Fanau e uiga i le **Soifua Maloloina o le Mafaufau?**

O le tusiga ua gaosiaina i feutagai ma faufautua mai le Tautua mo Aiga

O Auala e 5 e Amata ai se Talanoaga

- O lagona le mautonu o ni vaega o le olaga. E le afaina pe a lagona le ita, faanoanoa, po o le popole i nisi o taimi. O nei lagona e le o taimi uma e faapea ai, ua e faia se mea sese.
- E te iloa le ala e fesoasoani ai fomai pe a gau lou vae? O loo i ai foi tagata e mafai ona fesoasoani i mafauauga ma lagona le fafia. E tatau ona tatou talosaga atu mo se fesoasoani pe a tatou manaomia.
- O mea sese o se vaega o le auala tatou te aoao ai ma tuputupu ae ai i lenei lalolagi. E leia se tasi e atoatoa! E alofa le Tama Faalelagi ia i tatou, e tusa lava pe tatou te faaletonu. E finagalo o Ia ia tatou taumafai pea.
- O nisi gaoioiga—e pei o le manava loloto i totonus, talanoa i se tagata, taaalo i taaloga, po o le tusi ata—e mafai ona fesoasoani e te maua ai se lagona lelei pe a e le fafia. E le tatau ona tatou faia mea e afaina ai meaola, i tatou lava, ma isi tagata.
- O nisi taimi e i ai lagona le fafia o tagata po o mafauauga le mautonu e le o ese. O nisi tagata e i ai isi faafitauli i le auala e galue ai o latou mafaufau. E le o so latou sese lena. E tatau ona tatou



agalelei ma fesoasoani i tagata
uma ma taulima i latou e pei ona
finagalo ai Iesu Keriso.

Motugaafa e talanoa ai

- E taua le fesili atu i lau fanau i ni fesili e uiga i o latou mafaufauga ma lagona, ona matuai faalogo lelei lea. O fesili e mafai ona aofia ai: O a ni mea na e mafaufau i ai talu ai nei? O a ni suiga o loo tutupu i lou olaga? Pe na e matauina ni lagona fou talu ai nei? E i ai ni au fesili sa e manao e fai atu i se tasi?
- E taua fesili a lau fanau. E mafai ona latou fesoasoani ia te oe ia iloa mea ua saunia a outou fanau e aoao i ai. Nai lo o le saputu atu o mea uma e te iloa e uiga i se autu i luga o se tamaititi i se taimi e tasi, ia tali le fesili i faamatalaga autu. Ona valaaulia lea o i latou e tali mai. Afai e leai ni a latou fesili tulitatao, atonu sa le lava faamatalaga autu mo i latou i le taimi lenei. Afai e i ai nisi a latou fesili, atonu ua latou saunia mo ni faamatalaga auilili faaopoopo.
- Aloese mai le finau ma lau tama e uiga i lagona latou te faasoa mai, e tusa lava pe le fetau na lagona ma lou manatu e uiga i lea tulaga.
- O nisi taimi e faigofie atu le tusitusi nai lo le tautala. Afai e le o lelei le aluga o le talanoaga, tau-mafai e valaaulia lau tama e tusi le ata e uiga i o latou faalagona.

Manatu mo Gaoioiga



- Mo tamaiti laiti, ia tusi foliga e fai ma faatusa o lagona eseese ma fesoasoani i lau fanau e faaigoa ia lagona.



- Ia palepalealuga faatasi ma lau fanau se lisi o gaoioiga e faataitai pe a latou le fiafia.



- Mafaufau i se tagata faanoanoa po o i ai se itu o faanoanoa ai. O le a se mea e mafai ona fai e lou aiga e faaali atu ai ia i latou le alofa?



- Faitau ma talanoa e uiga i tala mai le *Liahona* lea na feagai ai tagata o le Ekalesia ma tofotofoga ma le faatuatua i le Atua.

Ou te Manaomia le Fesoasoani!

Afai e te lagona e pei ua le mafai ona pulea lagona ma amioga a lau tama, po ua lamatia foi lo latou soifua maloloina faalemafaufau, aapa atu i se polofesa o le soifua maloloina faalemafaufau. (O loo i ai se tusiga o loo i lalo ifo ma motugaafa e uiga i lena faagasologa.) E mafai ona fesoasoani atu lou epikopo e fesootai atu ai i le Tautua mo Aiga po o isi punaoa o fautuaga i le tou eria. Ma le isi, o le mentalhealth.ChurchofJesusChrist.org o loo i ai se lisi o telefoni mo faalavelave ma isi punaoa e vili fua. E alofagia oe, ma e le o tuulafoaiina oe! ■

PUNAOA FAAOPOOPO

- “O Auala e Ono e Maua Ai Lagona Lelei” (Fep. 2020 *Uo*)
- “Mauaina o se Polofesa o le Soifua Maloloina Faalemafaufau E Fetaui ma Oe” (Jan. 2019 *Liahona*, e na’o le tusiga faaeletonika)
- “Talanoa e uiga i Autu Faigata” (Mat. 2015 *Liahona*)

Autalavou Matutua

I Le Vaega Lenei

- 44 Pe le Tino ae e Le Faanoanoa
Saunia e Julieta Olmedo
- 48 Aapa Atu mo se Fesoasoani
ina ua Mavae ona Pule La'u
Uo i le Ola
Saunia e Brixton Gardner

Na o Polokalama Faaletonika

- Liliuina o O'u "Aisea" i "E Faapefea"
Saunia e Lydia Tava'esina Pickard
- O le Auala Na Ou Maua Ai
le Faatuatua i Taimi Na Ou
Lagonaina Ai le Pei Na Aveesea
Mea Uma ma A'u
Saunia e Jennifer Enamorado

Saili nei tusiga ma isi:

- I le [liahona.ChurchofJesusChrist.org](#)
- I le [YA Weekly](#) (i lalo o le vaega mo Autalavou Matutua i le Gospel Library)
- I le [facebook.com/liahona](#)

Faasoa Mai Lau Tala

E i ai sau tala ofoofogia e faasoa mai?
Pe e te manao e vaai i ni tusiga e uiga i
ni mataupu faapitoa? Afai o lea, matou
te fia faalogo atu ia te oe! E mafai ona e
tuuina mai lau tusiga po o ou manatu i le
[liahona.ChurchofJesusChrist.org](#).

Vaaiga i Na Taimi Pogisa ma le Faanoanoa


Sa tofu i tatou uma ma ni aso pogisa ma faanoanoa lea tatou te lagona ai le pei e leai se mea o sa'o. I taimi faapena **tatou te ono fesili ifo ai ia i tatou lava**, "Aisea ua tupu ai ia te au? Aisea ua tupu ai i lenei taimi? E faapefea ona ou onosaia lenei mea?" O le mea e lelei ai, **e lei tuua na'o i tatou**. E mafai ona tatou faalagolago i le taitaiga alofa a lo tatou Tama Faalelagi.

A o ou laitiit, sa masani ona ou faitio ma fesiliglia mafatiaga sa feagai ma au—seia oo ina tupu se mea lea sa aafia ai lo'u olaga e faavavau. Sa ou aafia i se faalavelave, o le mea na leaga ai, sa motusi uma ai tamatamailima o lo'u lima agavale. E ui i le faigata ona onosaia o lena mea, **o lena tofotofoga na aoao ai au e faatuatua i le Tama Faalelagi**. Ma, e ui i mea uma, ae sa ou aoao e autalia'imala ma ia lotofaafetai ma ia aua ne'i fati. Sa i ai se mea o totonu o a'u sa suia atoa, ma sa ou lagonaina le ala na faaloaloa mai ai e le Tama Faalagi Lona alofa ia i tatou ma taitaia i tatou e ala i mea faigata uma lava tatou te oo i ai i le olaga. E mafai ona faitau i la'u tala i le lomiga faafuainumera o le lomiga lenei.

I lana tusiga o loo i le itulau e 44, o loo faamanatu mai ai foi e Julieta ia i tatou, e mafai ona tatou fiafia e oo lava i le lotolotoi o le afi faamama ma vaavaai atu i le lumanai ma le faatuatua. I tusiga ia e na'o tusiga faaletonika e maua ai, ua faamanatu mai ai e Lydia ia i tatou ia **vaavaai mo le faamoe-moega i o tatou tofotofoga**. O tofotofoga o mea ia e fesoasoani ia tatou faapei ai o lo tatou Tama Faalelagi. Ma i le itulau 48, ua molimau mai Brixton, a o mafai e le Faaola ona faamalolo o tatou manu'a, e aofia ai ma luitau o le soifua maloloina faalemafaufau, o nisi taimi e talafeagai ai—ma e sili ona lelei—le aapa atu i isi mo se fesoasoani.

Ou te iloa ma lo'u loto atoa o **faigata uma—o taimi pogisa ma faanoanoa uma i o tatou olaga—e mafai ona taitai atu ai i se faamoemoega paia** ma o lena faamoemoega o le faamamaina lea o i tatou ma suia i tatou ina ia i ai se aso e mafai ai ona tatou atoatoa e pei o lo tatou Tama Faalelagi.

Alofaaga,



Seneuefa



AUTALAVOU MATUTUA



Pē le Tino ae e Lē Faanoanoa

Ina ua mavae le fanaina o a'u ma pē [ai lo'u tino], sa mafai ona faia e lo'u faatuatua ia lesu Keriso le mea sa le mafai ona faia.



Saunia e Julieta Olmedo

Mai lava i lo'u laitiiti, sa ou fafia lava i taalogā, aemaise lava o le soka. Sa ou taalo i soo se taimi e mafai ai, ma sa ou moemiti e i ai se aso ou te tauva ai i le Olimipeka po o Taalogā a le Lalolagi mo Atenitina.

Sa nutilili a'u miti i se tasi o aso i le 15 o ou tausaga. Na faatoa uma lava ona ou asiasi i lo'u faiaoga seminare na gasegase, ma sa ou tietie atu i la'u uila i le fale, ae amata loa se taugafana a ni kegi se toalua totonu o lo matou pitonuu. Sa tau se pulufana na se mai i lo'u papatua.

Ina ua ou ala ae i le falemai i le aso na sosoo ai, sa ou iloa ai ua pē lo'u tino mai lo'u puimanava e oo i lalo.

O le Fesili e Fesiligia Pe a Tutupu Mea Leaga

A o o'u [faasolo] ina faamaloloina e fesili mai lo'u aiga ma ue pe o faapefea mai au. Sa ou iloa sa latou lagonaina uma le lagona popole alofa mo a'u, o lea ou te faaoleolea ai i latou i le faapea atu sa ou manuia. O le faamafanafana atu i isi sa fesoasoani ia te a'u, ae sa ou iloaina o le a le mafai ona ou toe savali ma e tatau ona ou aoao i auala e ola ai ma [lo'u] tino ua pe.

O le taimi lea, ua amata ona ou alu i le seminare ma toe toaga i le Lotu. O le seminare o le poutu lea na lagolagoina au i le toe foi mai, ma ia ou le ita i le Tama Faalelagi i le mea na tupu ia te au.

I le seminare sa aoao ai i matou e lo matou faiaoga e faapea, a tutupu mea leaga, e le tatau ona tatou fesili, "Aisea na tupu ai lenei mea ia te au?" Sa fai mai o ia, o le fesili e tatau ona tatou fesili ai o le, "O le a se mea e mafai ona ou aoaoina mai i lenei mea?"

Sa faigata ona faamalosi pea ma ia maua lagona mautinoa i taimi uma, ae ae o le fesili a lo'u faiaoga seminare na ou maua ai le tele o le malosi. Pe a leai so'u faamoemoe, ma pe a faatumulia lo'u mafaufau i le masalosalo, ou te toe foi lava i taimi uma i lena fesili: "O le a se mea e mafai ona ou aoaoina?" Sa fesoasoani lena mea ou te nofo ai i luga i aso uma, ma sa talitalia a'u i taimi ou te lagonaina ai le fiu.

Ae o le alii na fanaina au, sa faamanuina au e le Tama Faalelagi ia ou le lagonaina le lototiga ia te ia. Na iu lava ina alu o ia i le faamasinoga ma sa faasalaina ai i le falepuipui. A o i ai iina, sa ia tusi mai ia te au se tusi, ma talosagaina lau faamagaloga ma tau mai ia te au ua suia ona ala. Sa ou fai atu i ai ou te lei lagonaina se lototiga ia te ia ma sa ou fafia ua suia o ia.

Mauaina o se Faamemeloga Fou

Mo ni nai tausaga talu ona uma le fanaina o au, sa ou le lagonaina le fia faia o se mea. Sa ou misia le taalo i taaloga, ma ou te le'i iloaina

Pe a leai so'u faamoemoe, ma pe a faatumulia lo'u mafaufau i le masalosalo, ou te toe foi lava i taimi uma i lena fesili: "O le a se mea e mafai ona ou aoaoina?"



i lena taimi, e tele ni taaloga ua fetuunaia mo tagata e i ai manaoga faapitoa. Ina ua ou iloa lena mea, sa toe foi mai lo'u naunau i taaloga. Afai e fou se taaloga ia te au, ou te taumafai e aoao ai. Ma sa ou tuuina i ai le faamemelo lava e tasi lea sa ou faia i le soka ae e le'i pe lo'u tino.

E lei leva ae ou mauaina se taaloga e sili ona ou fafia i ai e pei o le soka—o le pasiketipolo i le nofoa faataavalevale. Mulimuli ane, i le mavae ai o le tele o le taalo ma faataitaiga, sa filifilia ai au e avea ma sui faavaomalo o Atenitina. Ou te fafia i le tulaga mauluga o le tauvaga i le va o au faatautava faavaomalo.

Sa ou taalo i le au pasiketipolo nofoa faataavalevale a tamaitai o le matou atunu i Taaloga a Tagata e i ai Manaoga Faapitoa a Amerika i Saute i Chile i le 2014, o le taimi lena na matou manumalo ai i se pine auro. Ona matou tauva lea i le suega Siamupini a Amerika i Saute i Kolomupia, ma manumalo ai i se pine siliva i le 2015. Sa ou tauva foi i Taaloga Parapan a Amerika i Kanata i le 2015, lea sa matou agavaa ai mo Taaloga Paralympic 2016 [Olimipeka a Tagata e i ai Manaoga Faapitoa] i Rio de Janeiro, Pasila. Mulimuli ane, i le agavaa ai mo le Ipu o le Lalolagi, sa matou taaalo ai i Hamburg, Siamani, i le 2018. Ma ia Aokuso 2019, sa matou taaalo ai i Taaloga Parapan a Amerika i Lima, Peru.

O Faamanuiga na Fesoasoani Ou Te Onosai Ai Pea

O nisi taimi ou te lotovaivai ai lava, ma o aso uma lava e i ai ona luitau e tatau ona ou faatoi-laloina. Ae ou te faafetai i lo'u Tama Faalelagi mo le aiga ma uo lelei ua la tuuina mai ia te au. Ua la aumaia ni tagata taua se toatele i lo'u olaga, o e ua fesoasoani ia te a'u i le feagai ai ma lenei tofotofoga faigata. O le lagolago a le aiga e taua tele i le foiaina o luitau—e le na'o o tatou luitau faaletino, ae o o tatou luitau faalemafaufau, faalelagona, ma faaleagaga foi.



Ona o le talalelei i lo'u olaga, ou te talisapaia ai le tele o faamanuiaga ua tuuina mai e lo'u Tama ia te au ma faaaauau pea ona tuuina mai ia te au. Ou te iloa e alofa o la ia te a'u. A na leai le faatuatua ia te la ma lesu Keriso, e le mafai ona ou onosaia lenei luitau.

Io, e tatau ona ou fealuai i le olaga i se nofoa faataavalevale, peitai e ui lava i la'u nofoa faataavalevale, ua mafai lava ona ou ausia le tele o a'u miti a'o ou laitiiti. Ou te ta'u atu i tagata, "Talitonu i lo tatou Tama. O loo faatasai o la ma i tatou. Faatasai ai ma Lana fesoasoani, e mafai ai ona tatou faatoilaloina o tatou luitau. Aua ne'i aluese lou faatuatua. Tumau mausali i le talalelei. la faatutu ni sini, ma o le a outou ausia. O le a fesoasoani lo tatou Tama Faalelagi ia te oe."

Faatasai ai ma le lagolagoina o au i ou lui-tau ma sini, e fesoasoani foi lo'u faatuatua ou te ola ai i mataupu faavae o le talalelei a lesu Keriso. O le auai i faagatama e mafai ona aumaia ai faaososoga, ae o le tausia o mataupu faavae o le talalelei ma lo'u manatuaina o o'u tulaga faatonuina, e fesoasoani ou te faia ai filifiliga lelei.

Faatasai ai ma Lana fesoasoani, e mafai ai ona tatou faatoilaloina o tatou luitau. Aua ne'i aluese lou faatuatua. Tumau mausali i le talalelei. la faatutu ni sini, ma o le a outou ausia. O le a fesoasoani lo tatou Tama Faalelagi ia te oe.



Ou te taumafai e fesoasoani i isi e ala i au faataitaiga. Ou te le inu avamalosi. Ou te le ulaula. Ou te le faia isi mea e fai e nisi o tagata taaalo. E fai si faigata ona faasoa atu la'u molimau po o tusitusiga paia, ae ou te taumafai e aoao isi e ala i mea ou te faia ma mea ou te le faia.

O Loo i Ai i le Tama Faalelagi Tali Uma

O nisi taimi tatou te feita ai i le Tama Faalelagi ona o mea faigata e tutupu ia i tatou po o tagata tatou te alolofa i ai, ae tusa lava pe le o taimi uma tatou te iloa uma tali i o tatou tofotofoga, ae ua silafia e la.

E le tuuina mai e le Tama Faalelagi ia i tatou ni luitau e le mafai ona tatou faatoilaloina. E pei ona fai mai lo'u faiaoga seminare, o nisi taimi e tutupu ai mea leaga mo se mafuaaga. Ma o nisi taimi o na mea faigata e mafai ona iu ina faamanuiaina ai i tatou ma isi. Afai tatou te taofimau i lo tatou faatuatua i le lotolotoi o o tatou tofotofoga, o le a mafai ona faamalosia e a tatou faataitaiga o le faatuatua isi o e manaomia le fesoasoani e feagai ai ma o latou tofotofoga ma agai ai i luma. ■

E alala le tusitala i Cordoba, Atenitina.

Aapa Atu mo se Fesoasoani ina ua mavae ona Pule La'u Uo i le Ola

Sa ou manatu
e mafai lava
e a'u ia ona
faatoilaloina lo'u
atuatuvale, ae
o le talosagaina
mulimuli ane mo
se fesoasoani na
faapea ona suia
ai mea uma.

Saunia e Brixton Gardner

Ao o'u faigaluega i se tasi o aso i ni nai taumafanafana ua mavae, sa ou maua ai le tala ua maliu sa'u uo lelei lava ona o le pule i le ola. Sa ou te'i—o le mea moni sa ou le iloa po o le a sa'u taga e fai. Ou te manatua lou nofo ai i lau kesi ma le le leoa, sa le mafai ona ou mafaufau pe faia se mea.

Sa lolofi mai soo se ituaiga mafaufauga ma lagona, lea na tuua ai ma le le mautonu. Ae sa ou faapea ifo lava ia te a'u, sa ou le afaina, ma o le a galo ia te a'u. Peitai, o masina na sosoo ai, na aumaia ai se galu lofituina o le atuatuvale ma le faanoanoa i ou luga. Sa i ai le tele o loimata ma po lemamoe. I ni isi o taeao, sa le mafai lava ona ou alu ese mai le moega. Ou te lei manatu na taliina mai pe faafogaina foi a'u tatalo. O le faitauina o tusitusiga paia, na leai ma se uiga ma se musuaina. Sa ou lagona le leai o se faamoemoe, ma sa ou le manatu o le a faasolo lelei mea uma.

Mo se taimi sili ona umi, sa ou fefe ai e talanoa i soo se tasi e uiga i le mea sa ou lagonaina. Na iloa e tagata lo'u faavauvau ma ofo mai e talanoa pe tuuina mai le lagolago, ae o taimi uma lava ou te teenaina ai. Ou te mafaufau faapea, "Ou te le manao e faalavelave ia i latou." "Ma le isi, e i ai foi o latou lava faafitauli e popole i ai. Aisea o le a latou popole ai i o'u faafitauli?"

Sa i ai se tasi o Aso Sa lea sa foliga mai sa ou le gafatia ai lo'u faavauvau. Sa le mafai ona ou nofo lelei i le taimi o le sauniga faamana-tuga. Ina ua uma le sauniga, sa ou tatope atu i le auala savali e aluese ai mai le falesa. E fetaui lava lo'u oo atu i le faitotoa, ae ma fetaui ai ma se tamaitai o la'u uarota o le na maliu lana tama tama i le pule i le ola i tausaga na muamua atu. Ina ua ma fevaia'i, sa ta'u mai e le Agaga ia te a'u, ua oo i le taimi e fai atu ai sa'u tala e uiga i mea sa ou lagonaina.

Sa taufaafefe, ae faatasi ai ma se leo gatete sa ou taofia o ia ma ou faapea atu, "E mafai ona ou talanoa atu ia te oe mo sina taimi? Ou te manaomia se fesoasoani."

Sa faalogo mai o ia a o o'u faamatala atu le mea na tupu ma ou lagona sa i ai. Ma, e aunoa ma se faatali, sa ia uuina lou lima ma tilotilo mai ia te au ma le maligi o ona loimata. "Ou te manao ia e iloa o lenei mea, e le o sou sese ma e matuai alofaina lava oe," o lana tala lea.

Sa leai se mea na ma mafaia, ae na'o le fetagisi a o ma talanoa pea. Mo a'u, sa pei lava na vavala ia ao. Sa iu ina i ai se ituaiga o malamalama ua susulu mai i lo'u olaga. O mea uma sa ia fai mai ai ia te au i le auala savali i lena aso, sa o se tali lea i au tatalo.

O le mea na sili ona ou aoaoina mai i lena taimi, o le faasoa atu o ou lagona na iu lava ina mafai ona amata ai lo'u faamalologa. E le mailoa tonu le mafuaaga, ae na ou faatalitonuina a'u



lava, e mafai ona ou feagai ma mea uma na'o a'u ma ou te le'i manaomia se fesoasoani. E ui ina sa le mafai ona ou iloaina, ae sa siomia au e tagata o e sa alolofa ia te au ma sa mananao e fesoasoani mai ia te au.

Ua ou aoaoina e faapea, a tatou fai mai e tatau ona "tasi o tatou loto ma tasi le mafau-fau" (Mose 7:18), o lona uiga o ou lototiga o o'u lototiga ia ma o o'u tiga o ou tiga foi ia. O lona uiga e le gata ina tuuina atu le fesoasoani pe a manaomia mai, ae o le naunau foi e maua mai le fesoasoani pe a tatou manaomiaina foi. O le tau lava o le faataga o isi e fesoasoani ia te au, o le mea lea na faia le eseesega ma mulimuli ane, o le mea lea na taitai atu ai au i le mauaina o se manuia atoa o le mafaufau.

I le taimi nei, i ni nai tausaga talu ona mavae lenei aafiaga, e mafai ona ou faapea atu ma le faamaoni, ua matuai o'u fiafia lava nai lo o se isi lava taimi o lo'u olaga. Faatasi ai ma le tele o le galue malosi, ma mulimuli ane e ala i le alofa tunoa o le Atua, ua avea ai a'u ma se tagata ua malosi atu nai lo o le mea sa ou i ai muamua a'o le'i tupu lenei mea atoa. O le tatalo, auauna atu, tigaina, lotomaualalo, fofo faalelagona, faama-nuiaga e lemafitaaulia, ma le anoanoai o mea, na fesoasoani ou te oo atu ai i le tulaga ua ou i ai nei. E anoanoai mea ua ou nofo aitalafu ai i le

Tama Faalelagi, lo'u aiga, ma au uo mamae mo le fesoasoani mai ia te au i nei mea uma. Ou te matua faafetai lava ona sa ou aapa atu mo se fesoasoani—o se ki lea i le faamalologa. ■



Sa tupu a'e **Brixton**

Gardner i Kalefonia,

ISA, ma o loo aoga

nei i le lunivesite o Polika laga. Sa ia auauna atu i se misiona i British Columbia, Kanata, ma e fiafia o ia i le aumalosi, kuka (ma le tausami) i kuka fou, ma le sueina o musika fou ia fiafia ai.

O le taimi muamua sa ou manatu o le a faigata le seminare.

E tatau ona ou sui la'u aoga, ma o le seminare sa faia i le vaveao. Ou te lei manatu o le a mafai ona faia ona sa tele au meaaoga ma isi mea sa fai.

Ae ina ua amata ona ou alu i le seminare, na avanoa mai le taimi mo a'u. O le taimi nei e lava lava lo'u taimi mo au meaaoga. Ou te fiafia lava i le aso e sosoo ai e nofo i luga ma toe alu atu i le seminare. Matou te felagolagoma'i lava ma a'u uo ia le tasi ma le isi ma aoaoina ni mea se tele a o matou i ai iina.

O le fiafia ou te lagonaina i le seminare e pei lava o le fiafia lea ou te lagonaina pe a ou i ai i totonu o le malumalu. A o lei atoa lou 11, sa o uma ou tei ma au uo i le malumalu ae ou te lei alu.

Ina ua iu lava lo'u matua e alu ai i totonu ma faia papatisoga, sa ou lagonaina se filemu maoae. E ui lava sa faamatala mai e lo'u aiga ma uo ia te au le lagona o le i ai i totonu o le malumalu, ae sa ou fiafia lava ona sa mafai ona ou lagonaina lena mea mo au lava ia.

Sofia D., 14 tausaga, Kolomupia

AUTALAVOU

I LE VAEGA LENEI



- 52 O le Faamanuiaga o le Toefuataiga mo Oe**
Saunia e Elder Dale G. Renlund

- 56 Sau, Mulimuli Mai ia te A'u: Tusi a Mamona**
Feiloai i Iosefa e To'afa o le 2 Nifae 3

- 58 Sa I Ai Sa'u Vaa e Fau**
Saunia e Elder Juan Pablo Villar

- 61 Molimau ia lesu Keriso**

- 62 Fesili ma Tali:**
Fiafia i le Lotu? Aisea tatou te manaomia ai le Tusi a Mamona?

- 64 O Le Upu Mulimuli:**
Sa Ou Vaai i se Faaaliga Vaaia
Saunia e Iosefa Samita

O LE FAAMANUIAGA O LE TOEFUATAIGA MO OE



Saunia e Elder
Dale G. Renlund

O Le Korama
a Aposetolo e
Toasefululua

*Ona o le talalelei toefuataiina, ua mafai ai ona e iloa po o ai
moni lava oe ma le mea e faamoemoe mai le Atua e te faia.*

I LE TALA faamusika o le *Ta Laauili i luga o le Taualuga*, sa faamatala ai e le tagata autu o Tevi, se aoga e tasi o tu ma aga o lona nuu, i le faapea mai, "Ma ona o a matou tu ma aganuu, ua iloa ai e i matou uma taitoatasi po o ai o ia, ma le mea e faamoemoe mai le Atua na te faia."¹ E te le tau faalagolago i tu ma aga mo lenei malamalamaaga. Ona o le Toefuataiga, e mafai ai ona e iloa po o ai oe ma le mea e finagalo le Atua e te faia. Afai e te le o mautinoa i le taimi nei, e i ai sau aia tatau ma se matafaioi e maua ai lena malamalamaaga.

Ua 200 tausaga talu ona maua e losefa Samita e 14 tausaga le matua le uluai faaaliga faalelagi na faapea ona amata ai le Toefuataiga. Na oo atu losefa i na tagavao na lata ane i lona fale i le setete o Niu loka, ISA, ona sa popole o ia i le manuia o lona agaga ma sa manao e fia iloa po o le fea o ekalesia e auai. Sa ia fia iloa po o ai o ia ma le mea na faamoemoeina e le Atua mai ia te ia. Sa ia maua tali sa ia sailia, ae sa tele atu mea na ia aoaoina i lena aso ma i le 24 tausaga na sosoo ai. Ona o upumoni toefuataiina, e le gata ina mafai ona e iloa le mafuaaga na foafoina ai oe e le Atua, ae ua mafai foi ona e iloa lou faasinomaga faaiu. E pei o losefa Samita, e mafai foi ona e iloaina mo oe lava.

O AI OE?

O oe o se atalii/afafine faapelepele o le Atua, ua la silafiaina ma alofaina e la. Na iloa e losefa lenei mea ina ua faaali mai le Atua le Tama ma lesu Keriso ia te ia i le 1820. Sa faamaumauna e losefa, "Sa fetalai mai le tasi o i laua ia te au, ma fofoga mai ia te au i lo'u igoa ma fetalai mai, ao tusi ane i le tasi—*O Lo'u Atalii Pele Lenei. Faalogo ia te la!*" (losefa Samita—Talafaasolopito 1:17).

Na silafia e le Atua ia losefa. E moni foi lena mea mo oe. E silafia e le Atua oe. Ua leva ona la silafia oe, ma ua la alofa ia te oe i le umi ua la silafia ai oe. Na te silafia lou gafatia paia e alualu i luma ma ia faaeaina faatasi ma la. O lona uiga o loo ia te oe le gafatia e avea ai faapei o la.²



Ua tautino mai e le "O Le Aiga: O Se Folafolaga i le Lalolagi" lenei upumoni toefuataiina o'oo'o: "O tagata soifua uma—tane ma le fafine—ua foafaina i le faatusa o le Atua. O i latou taitoatas i se atalii po o se afafine agaga faapelepele a ni matua faalelagi, ma, o lea ua tofu ai ma se natura paia ma se taunuuga."³ O lenei upumoni e ono foliga manino mai i tagata ua loa ona avea ma tagata o le Ekalesia. E le faapea [le manatu] o le toatele o au failotu Kerisiano lauiloa o e ua folafola mai e faapea, o lou faamoemoega autu o le tapuai, viia, ma faaalaloalo i le Atua, ma na pau le faamoemoega o le Atua e foafoa ai oe, o le, ina ia mafai ona e vivii, tapuai, ma auauna atu ia te la.

Na ala mai ia losefa Samita, na faaali mai ai e le Atua e faapea, o Lana galuega ma Lona mamalu o le faamamaluina lea o oe, ina ia aumaia lou tino ola pea ma le ola e faavavau.⁴ E ui o le faamamaluina o oe e faamamaluina ai o la, o le sini ma le faamoemoega a le Atua o le fatuina lea o se siosiomaga e mafai ai ona e alualu i luma. O le iuga faaiu o lou alualu i luma e mafai ona avea o se olioli tumau. Sa aoao e le Tupu o Peni-amina lona nuu: "la outou manatunatu i le tulaga manuia ma le fiafia o i latou o e e tausi i poloaiga a le Atua. Aua faauta, e faamanuiaina i latou i mea uma, i mea uma faaletino ma faaleagaga; ma afai latou te tutumau i le faamaoni e oo i le iuga, e talia i latou i le lag, ina ia mafai ona latou mau faatasi ma le Atua i se tulaga o le fiafia e lē gata" (Mosaea 2:41).

O loo i ai i le finagalo o le Atua le mea e sili ona lelei mo oe. E agalelei ma alofa o la. Ua la silafia, ina ia e alualu i luma, sa manaomia ona e sau i le lalolagi, maua se tino, ma iloa le sa'o mai le sese e ala i ou lava aafiaga. E le finagalo o la ia faavavau ona e tumau ai o se



tamaitiiti po o se tagata talavou, pe finagalo foi o la e suaia oe ia avea o se fagafao ua aoaoina e usitai tauaso. E leai, e finagalo o la e te filifili e mulimuli ia te la ma e malosi e ala i ou aafiaga e tuputupu ae ma avea ma se suli i mea uma o loo ia te la.⁵ O lou faasinomaga paia lenei.

O nei upumoni o ni faavae ia i le aoaoga faavae toefuataiina lea na amataina i lena tatalo faatauvaa na faia e losefa Samita.

O LE A SE MEA O FAAMOEMOE MAI AI LE ATUA IA TE OE?

E lua faamoemoega autu o le Atua mo oe. Muamua, ua faamoemoe o la e te aoao e uiga, ma mulimuli i Lana fuafuaga. Lona lua, ua faamoemoe o la e te fesoasoani atu i isi ia aoao ma mulimuli i Lana fuafuaga.

Sa aoaoina oe i le ata o le faaolataga a le Atua i malo o le muai olaga ma sa [e] taliaina. Atonu sa le o se faaiuga faigofie lenei mea. E tasi-vaetolu le fanau a le Tama Faalelagi na teenaina le fuafuaga. Ae sa e manao e te sau i le lalolagi, maua se tino, ma faaaoga lou faitalia e filifili ai e mulimuli i le fuafuaga. Na silafia e le Atua, ma sa e iloaina foi, a o i ai i lenei lalolagi o le a e faia ni mea sese ma faia agasala. O nei agasala o le a tumau ona taofia ai oe mai le nofo ai i le afioaga o le Atua seilogia e mafai ona togolaina oe mai au agasala. O le fuafuaga a le Atua na saunia ai lesu Keriso e fai ma ou Togiola. Na togolaina e lesu Keriso au agasala ma mea sese ina ia mafai ai ona aoga le fuafuaga o le faaolataga a le Atua mo oe.⁶ Sa la totogiina le tau tupito ina ia mafai ai ona la "maua le Tama ona aia o le alofa mutimutivale" mo oe (Moronae 7:27).

O le fuafuaga a le Atua na tuuina mai ai foi mo oe ina ia maua le meaalofa o le faitalia ina ia mafai ai ona e iloa "o le lelei mai le leaga" (2 Nifae 2:5). O oe o se "sui" ia te oe lava (tagai i le Mataupu Faavae ma Feagaiga 58:28), e mafai ona faia ni filifiliga mo oe lava. Ae a e faia ni faaiuga leaga po o ni mea sese, e faamoemoe mai le Atua e te faaaogaina lou faitalia e salamo ai. E mafai ona maua le salamo e ala i le Togiola a lesu Keriso ma e manaomia ina ia mafai ona e mama ai i luma o le Atua.⁷

E te salamo pe a e liliu atu i le Atua ma faaaoga le faatuatua ia lesu Keriso. O le faalagolago i le salamo, o le Togiola a lesu Keriso ua mafai ai ona faamagaloina



**ONA O LE UPUMONI TOEFUATAIINA,
E LE GATA INA MAFAI ONA E ILOA LE
MAFUAGA NA FOAFOAINA AI OE E LE
ATUA, AE E MAFAI FOI ONA E ILOA AI
LOU FAASINOMAGA MULIMULI.**

oe mai le faasalaga lea na semanu e te maua. E faaali atu ua e salamo e ala i le usiusitai i tulafono ma sauniga o le talalelei. Ma, a e salamo, o le a faapea ona e lē ponā, mamā, ma paia.

E pei ona folafola atu e le Atua ia Atamu, "O le ala lenei o le faaolataga mo tagata uma, i le toto o la'u Toatasi na Fanaua" (Mose 6:62). Ona o lo tatou faatuata ia Keriso ma i le fuafuaga a le Tama Faalelagi, e mafai ai ona tatou "olioli i afioga o le ola e faavavau i le lalolagi lenei, ma le ola e faavavau i le lalolagi a sau, o le mamalu ola pea lava" (Mose 6:59).

O le mea autu lona lua ua faamoemoe mai e le Atua ia te oe, o le fesoasoani atu lea i isi ia aoao i Lana fuafuaga ma fesoasoani ia latou mulimuli ai. O le taimi lava e te malamalama ai o le Atua ma lona Alo o lesu Keriso, e alolofa ia te oe, e avea ma se mea masani lou manao e faasoaa atu lenei upumoni i isi. O le faasoaina atu o le talalelei a lesu Keriso ua ta'ua foi o le "faapotopotoina o Israuelu." Na faamautuina mai e Peresitene Russell M. Nelson:

"La'u autalavou pele tulagaese, na auina mai outou i le lalolagi i lenei taimi patino, lenei taimi aupito taua i le talafaasolopito o le lalolagi, e fesoasoani e faapotopoto ia Israuelu. E *leai se mea* o tupu i le lalolagi i le taimi nei, e sili atu ona taua nai lo lena. E *leai se isi mea* e sli atu lona taunuuga. E matua *leai* lava.

O lenei faapotopotoina e tatau ona avea o *mea uma* ia te oe. O le misiona *lēnei* na auina mai ai oe i le lalolagi."⁸

O le faataunuina o lenei matafaioi o le feagaiga, o le a aumaia ai ia te oe le olioli⁹ ma saofaga atu i lou faaolataga faaletagata lava ia.¹⁰


Ona na toefuataiina mai le talalelei a lesu Keriso i le lalolagi, e mafai ona e iloa o ai oe ma le mea ua faamoemoe mai e le Atua ia te oe. Tatou te patipatia le Toefuataiga lea na amataina i le togavao e lata ane i le faatoaga a le au Samita i le setete o Niu loka, i le 200 tausaga ua mavae, ona o le maoae ma le taua o loo i ai mo oe. O le tatalo faatauanau a losefa na tatalaina ai se soloaiga o faaaliga lea o loo faaauau mai i nei aso e ala i Ana Apostolo ma perofeta. O loo taitaia e lesu Keriso Lana Ekalesia ma Lana galuega i le lalolagi ina ia mafai ona e ausia lou gafatia faalelagi e toe mafuta ai ma lou Tama Faalelagi. ■

FAAMATALAGA

1. Joseph Stein, Jerry Bock, Sheldon Harnick, *Fiddler on the Roof* (1964), 3.
2. "O le Atua lava ia, i le iloa ai sa i ai o ia i le lotolotoi o agaga ma le mamalu, ona sa sili atu lona atamai, sa ia vaavia ai le alagatatau ona faatulaga o tulafono ia mafai ai e le toatele ona maua se avanoa e alualu ai i luma e pei o ia lava . . . ina ia faaeaina i latou faatasī ma ia" (*Aoaaga a Peresitene o le Ekalesia: Iosefa Samita* [2007], 210).
3. "O le Aiga: O se Folafolaga i le Lalolagi," *Liahona*, Me 2017, 145.
4. Tagai Mose 1:39.
5. Tagai Dale G. Renlund, "Ina Filifili ia o Outou i le Aso Nei," *Liahona*, Nov. 2018, 104.
6. Tagai i le Isaia 53:3-12. E faa-10 ona ta'ua e Isaia le puapuagatia na sui ai Keriso mo agasala.
7. Na fetalai le Atua, "[E] ao ina outou salamo, pe le mafai foi [i la te outou] ona mautofi le malo o le Atua, aua e leai se mea eleelea e mafai ona mau ai." O lea la, "e ao ina toe fanauina outou i le malo o le lagi, i le vai, ma le Agaga, ma faamainaina i le toto, o le toto lava lea o le Alo e toatasi na Fanaua e le Atua; ina ia [e] mafai ona faapaiaaina o ia mai le agasala atod" (Mose 6:56, 59).
8. Tagai Russell M. Nelson, "Faamoemoe o Israuelu" (faigalotu a le autalavou i le lalolagi atoa, 3 luni, 2018), *Hopeofisrael.ChurchofJesusChrist.org*.
9. Tagai i le Mataupu Faavae ma Feagaiga 18:15-16.
10. Tagai i le Mataupu Faavae ma Feagaiga 4:2, 4; 31:5; 36:1; 60:7; 62:3; ma le 84:61.

FEILOAI I IOSEFA E TO'A FA o le 2 Nifae 3

Na e iloaina na saunoa se perofeta e igoa ia losefa e uiga ia losefa Samita i le toeitiiti 4,000 tausaga talu ai?



E tusa o le 1700 TLM

Sa nofo ai i Aikupito ia losefa, le atalii o Iakopo (o lē sa toe faaigoa ia Israuelu). E toalua ona atalii, sa faaigoa ia Efaraima ma Manase.

Vaai pe mafai ona e maitauina ia losefa uma o loo ta'u i le 2 Nifae 3: Ua ta'u atu e Liae i lona atalii o losefa e uiga i nisi o valoaga na faia e losefa o Aikupito e uiga ia losefa Samita, o lē na faaigoa i le igoa o lona tamā, o losefa.

Vaai i le taimi o le faasologa o loo i lalo e malamalama lelei ai po o ai na losefa ma pe o anafea na latou soifua ai.

O A ni Mea na Ta'u Mai e losefa o Aikupito e uiga ia losefa Samita?

Na musuia e le Alii ia losefa i Aikupito e vaai i le tele o seneturi i le lumanai. Sa ia faasoaa mai upumoni nei e uiga ia losefa Samita:

- “E faatuina e le Alii lo'u Atua **le tagata vaai** e fai ma tagata vaai filifilia i le fua o o'u sulugatiti” (fuiapu e 6).
- “**Ma o le a** silisili o ia e pei o Mose, o lē sa Ou fai atu o le a Ou faatu mai

E tusa o le 600 TLM

Sa tuua ai e Liae, o se suli o Manase, ia Ierusalem ma malaga atu i le vao mo ni nai tausaga. O iina, sa la fanaua ai ma lona toalua o Sarai se atalii na faaigoa ia losefa.



mo outou, e laveai lo'u nuu" (fuaiupu e 9).

- **"Ma o ia** o le a Ou tuu atu i ai le mana e aumai ai la'u upu i le fanau a ou sulugatiti—ma e lē nao mo le aumaia o la'u upu, ua fetalai mai ai le Alii, ae mo le faatalitonuina foi o i latou i la'u upu, lea o le a tatau ona uma ona alu atu muamua i totonu o i latou [e pei o le Tusi Paia]" (fuaiupu e 11).
- **"Ma o le a** faamalosia o ia mai le vaivai, i lena aso pe a amata la'u galuega i totonu o o'u tagata uma, i le toefuataiga o oe, le aiga e o Israelu, ua fetalai mai ai le Alii" (fuaiupu e 13).
- **"O lena tagatavaai** o le a faamanu-iaina e le Alii; ma o i latou o e e saili e faaumatia o ia o le a faatoilaloina" (fuaiupu e 14).

- **"E igoa foi o ia** i lo'u igoa; ma o le igoa foi lea o lona tamā"

(fuaiupu e 15).

Na Faapefea Ona Faapei Iosefa Samita o Iosefa o Aikupito?

O Iosefa o Aikupito na tofia e Farao e vaiaia le faaputuputuga o meaai e saunia ai mo se oge. Ina ua oo mai le oge, sa o mai tagata i Aikupito ma isi nuu uma ia Iosefa e faatau meaai. E oo lava i ona uso na o mai i Aikupito mai le Nuu Paia mo ni meaai. Sa faatagaina lea e Farao ia uso o Iosefa ma lona tamā ina ia maua ni meaai ma nonofo ai pea i Aikupito. O lenei mea na laveaiina ai i latou mai le matelaina.

I ona po o Iosefa Samita, sa feagai ai tagata ma se "oge" i le afioga a le Atua; sa latou matelaina mo le

Na Faapefea Ona Iloa e Liae ia Iosefa o Aikupito?

Ina ua tuua e Liae ma lona aiga ia Ierusalem, sa poloaiiina i latou e le Alii e toe foi ma aumai papatusi apamemeia ia sa ia Lapana. O nei papatusi sa i ai tusitusiga a perofeta o le Feagaiga Tuai, e aofia ai ma Iosefa o Aikupito.

talalelei moni a Iesu Keriso. O Iosefa Samita o le perofeta lea na valaauiina e le Alii e laveai i tatou mai lena oge —e ala i le toefuataiina o Lana talalelei ma le perisitua ina ia mafai ai ona tatou maua sauniga e manaomia mo lo tatou faaolataga faaleagaga. ■



1771 TA

Na fanau ai Iosefa Samita le Matua i Massachusetts.

1805 TA

Na fanau ai Iosefa Samita le Itiiti i le aso 23 o Tesema, 1805, i Vermont. I le Uluai Faaaliga i le 1820, na vaai ai o ia i le Tama Faalelagi ma Iesu Keriso. Sa ia faaliliuina ma lolomiina le Tusi a Mamona i ni nai tausaga mulimuli ane, e pei lava ona sa fai mai ai Iosefa o Aikupito o le a ia faia (tagai i le 2 Nifae 3:11).



Sa I Ai Sa'u **VAA** **FAU**

*O le aafiaga o Nifae na fesoasoani
ou te iloa ai le auala e taulima ai
luitau i lo'u lava olaga.*





Saunia e Elder
Juan Pablo Villar
O le Fitugafulu

Ina ua ou ta'u atu i o'u matua sa ou manao e faia se misiona, sa le'i fiafia i laua. Sa na'o maua ma lo'u uso matua o Aiveni tagata o Le Ekalesia a lesu Keriso o le Au Paia o Aso e Gata Ai i lo matou aiga. Sa ou auai ina ua 18 o'u tausaga, ae o lea, i le tasi o le tausaga mulimuli ane, sa ou filifili ai e auauna atu o se faifeautalai faamisiona. E ui lava ina sa iu ina malilie o'u matua e tuu atu ou te alu, ae sa lapatai mai lo'u Tama e faapea, a oo i le taimi ou te foi mai ai, e le mafai ona ia faamaonia o le a ia totogia pea lo'u pili aoga o le kolisi.

Ae peitai, sa ou iloaina afai ou te auauna atu, o le a fesoasoani mai le Alii ia te au.

I lau misiona atoa, sa ou olioli lava a o ou vaai i tagata o taliaina le talalelei a lesu Keriso ma agai atu i le faaaolataga. Ina ua ou foi i le fale, sa toe amata au aoaoga. Ae sa le'i umi ae fai mai lo'u Tama, e pei ona sa ia lapatai mai ai, "E le mafai ona ou toe totogia se mea."


E faapefea ona mafai lenei mea? Sa ou mafaufau. Sa ou auauna atu i se misiona. Sa ou faia le mea na finagalo le Alii ou te faia. Aisea ua tupu ai lenei mea ia te a'u?

Aoga ma Faigaluega

Ona ou manatua lea i le faitauina o le Tusi a Mamona. O Nifae, o le sa tausia poloaiga uma, sa poloaiina e fau se vaa, o se mea na te le'i faia muamua lava (tagai i le 1 Nifae 17:8, 49-51). Sa ou lagonaina le pei, sa i ai sa'u "vaa" e fau. Sa avea o se faafitauli tele lava ou te le'i iloa pe faapefea ona foia, o lea sa ou tatalo ai mo se musumusuga.

Sa le'i umi ae talanoa mai Aiveni ia te au. "Juan Pablo, ua ou faalogo e le toe totogia e lo ta tama lou pili," sa ia fai mai ai.

"E sa'o," na ou tali atu ai. "Ou te manatu ua uma mea uma mo au!"





Sa faigofie lava le tali a Aiveni, ae na musuia ai au. "E te iloa e mafai ona e aoga ma faigaluega?" sa ia fai mai ai. "O le ala lena, o le a mafai ai ona e totogia lou pili aoga." O le taimi muamua lea na ou iloaina ai e mafai ona faia ia mea e lua! E le'i leva ae ou mauaina se galuega faavaitaimi lea na mafai ai ona ou faaauaua au aoga.

Sa ou toe mafaufau ia Nifae ma le vaa: "O lenei, o au o Nifae, ou te lei . . . ati ae le vaa i ala a tagata; ae sa ou fauina i le ala na faaali mai e le Alii ia te au" (1 Nifae 18:2).

Ana ou faalogo ia te au lava, semanu ua ou fati i la'u aoga. Ae na musuia au e le Alii, e ala i upu a lo'u uso, ia faaauau pea. O nisi taimi pe a i ai ni o tatou luitau i o tatou olaga, tatou te manatu e le o faamanuiaina i tatou e le Alii. Ae ua mafai nei ona ou vaaia ma le manino le auala na la faamanuiaina ai au i se avanoa e atinae ma tuputupu ae ai.

Aua Le Fiu!

I le avea ai ma se tagata aoga, sa ou faaipoipo foi. Ma, ina ua toeitiiti lava uma lo'u faailoga, sa ou iloaina ai ou te lei fiafia tele i le mea sa ou aoaoina. Sa ou manao e togi le solo. Ae sa fai mai lo'u toalua, "E le mafai ona e fiu. E te le iloa le mea ua saunia e le Alii mo oe, o lea e tatau ai ona e faaumaina."

Sa ou toe mafaufau foi ia Nifae. E ui ina sa agaleagaina e ona uso matutua, ae sa lei fiu ai o ia. Nai lo o lena, sa tepa atu Nifae i le Atua ma vivii atu ia te la. Fai mai o ia "Sa ou lē muimui e faasaga i le Alii ona o o'u puapuaga." Mulimuli

ane na faasaolotoina o ia, ma "sa oo o a'u, o Nifae, sa ou tautaia le vaa, sa oo ina matou toe folau atu agai i le lauelele na folafolaina.

"Ma sa oo ina ua mavae ona matou folau mo le va o aso e tele, sa matou taunu i le lauelele na folafolaina" (1 Nifae 18:16, 22–23).

O le faalogo atu i le fautuaga a lo'u toalua, sa ou faamaeaina ai lo'u faailoga. Ae sa amata ona ou faigaluega i se matata e ese mai.

O le lua o tausaga mulimuli ane, sa ou maua ai se uunaiga malosi e tatau ona faaleleia atili au aoga, ma na ou lagona e tatau ona ou alu i le aoga iunivesite maualuga atu. Ina ua ou amataina le faagasologa o le talosaga, o se tasi o mea muamua sa fesilgia ai au o le, pe o i ai so'u faailoga o le tagata malaga. I lena taimi, na vave oo mai ia te a'u upu a lo'u toalua: "E te le iloa mea ua saunia e le Alii mo oe, o lea e tatau ai ona e faaumaina." Ana ou le faaumaina lo'u faailoga o le tagata malaga, semanu e le mafai ona ou maua la'u faailoga o le matuaofaiva.

O Perofeta e Taialaina i Tatou

O taimi uma lava ou te faitauina ai le Tusi a Mamona, ou te fesili ifo ia te au lava, O le a se mea o manao lenei perofeta mai le faitau afe o tausaga ua mavae ia ou iloa ma faaaoga i lo'u olaga ma i le olaga o lo'u aiga? Mo se faataitaiiga, na aoaoina au e Nifae e tatau ona tatou saunia pe a valaaicina i tatou e le Alii, ia faatuatua ia te la, ma auauna atu ma le faamaoni ia te la.

Ua ou iloa e aunoa ma se masalo-salo, a valaaicina oe e le Alii, o le a la saunia le ala, e pei lava ona la faia mo Nifae (tagai i le 1 Nifae 3:7). ■

MOLIMAU IA IESU KERISO



O LOO SOIFUA O IA!

- Sa toetu ae lesu Keriso mai le tuugamau (tagai i le Mataio 28:6).
- E i ai Sona tino o aano ma ivi (tagai Luka 24:39; Mataupu Faavae ma feagaiga 130:22).
- O Lona tino toetu e mamalu ma e faavavau.



NA MATOU VAAI IA TE IA

- E mulimuli lava le Atua i le mamanu o le valaauna o molimau vaitino (tagai i le Galuega 5:32).
- Sa la valaauna Iosefa Samita e avea ma molimau o aso e gata ai i le Keriso soifua.



"O LO'U ATALII PELE LENEI"

SA MATOU FAALOGOINA LE SIUFOFOGA

O se siufofoga faalelagi, e tele lava ina molimau mai le leo o le Tama, i isi taimi o lesu Keriso o le Alo o le Atua (tagai i le Mataio 3:17; 3 Nifae 11:7; Iosefa Samita—Talafaasolopito 1:17).

O E O NONOFO AI O NI ATALII MA NI AFAFINE NA FANAU

O nisi lalolagi ua aināina. E le tele so tatou iloa e uiga i na tagata (tagai i le Mose 1:35), ae ua tatou iloa o i latou o fanau a le Tama Faalelagi ma e faaolaina e ala i le Togiola a lesu Keriso.



"Ma o lenei, ina ua mavae le tele o molimau ua tuuina mai e uiga ia te ia, o le molimau mulimuli lenei, i molimau uma, ma te tuu atu e uiga ia te ia:

O LOO SOIFUA O IA!

"Aua NA MĀ VAAIA O IA, i le itu taumatau lava o le Atua; na MĀ FAALOGOINA FOI LE SIUFOFOGA o molimau mai o ia lava lea o lē Toatasi na Fanaua e le Tama—

"E mai ia te ia, ma o ia, ma ui mai ia te ia, na FOAFOAINA AI LALOLAGI UMA, ma o E UA NONOFO AI O ATALII MA AFAFINE FANAUINA MO LE ATUA."

**Mataupu Faavae ma Feagaiga 76:22-24;
ua faaopoopo le faamamafa.**

UAI I AI LALOLAGI MA SA FOAFOAINA

I lalo o le taitaiga a le Tama Faalelagi, sa foafao ai e lesu Keriso ia "lalolagi e le mafaitaulia" (Mose 1:33).



E faapefea ona ou fiafia i le lotu pe afai o iai ni faafitauli ma tagata o lo o i ai?

*"O i tatou uma lava e le atoatoa; atonu tatou te faatiga atu ma faatiga mai foi ia i tatou E tele lava ina tatou tofotofoina le tasi ma le isi i o tatou lava uiga faaletagata I le tino o Keriso, e tatau ona tatou faia isi mau mea nai lo le na o le aoao o manatu faavae ma upu faaeeea ma ia i ai ni aafiaga tatou te 'aofia patino' ai a o tatou aoao e 'nonofo faatas i le alofa'
[Mataupu Faavae ma Feagaiga 42:45]."*

Elder D. Todd Christofferson
o le Korama a Apostolo e
Toasefululu, "Why the Church,"
Liahona, Nov. 2015, 109.



E Mafai Ona E Pulea Oe Lava
E le mafai ona ou puleaina i latou e siomia au, e oo lava i isi tagata o le Eklesia, ae e mafai ona ou pulea au lava ma le auala ou te tali atu ai i mea e tutupu. Sa ou iloaina o le alu i le lotu e mo le va lava lea o au ma le Atua, ae le o le va o au ma soo se isi lava tagata. Sa ou faamanatu ia te au lava, e le o se mea e fetau i le Atua po o a'u lava le taofi o [lo'u] ola ai i le talalelei.

Erica Y., 18 tausaga, Hawaii, ISA

Faaaloalo i Tagata Uma
O i tatou uma lava e eseese o tatou siosiomaga ma eseese afuaga. E le mafai ona e iloa mea o loo feagai ma tagata.

Logan B., 15 tausaga, Oregon, ISA

Talanoa i Ou Taitai
E le tatau ona e alu i le lotu ona o se tagata. E tatau ona e alu ona o lou talitonuga ia Keriso. Ou te fautuaina foi le talanoa atu i lou epikopo.

Asher D., 18 tausaga, Uosigitone, ISA

O tali ua faamoemoe e mo se fesoasoani ma ni manatu ae e le o se faalauiolina aloaia o aoaoga faavae o le Eklesia.



Alofa e Faapei ona Faia e Iesu
Na fetalai Iesu Keriso,
"la outou fealofani;
faapei ona ou alofa
atu ia te outou. . . .

O le mea lea e iloa ai e tagata uma lava o o'u soo outou" (Ioane 13:34-35). Na fesoasoani lenei mea ou te malamalamama ai e tatau ona ou alofa i isi e tusa lava po o ai i latou, e pei ona alofa le Faaola ia te au, e ui lava i ou faaletonu uma ma mea sese.

Ema F., 15 tausaga, Chaco, Atenitina

Fiafia i Lou Aiga Faaleuarota
E ui lava sa ou tauivi ma lagona o le tiga po o le le fiafia na fesoottai ma tagata o le Ekalesia, ae ua tele lava ina ou iloa le alolofa o tagata iina ia te a'u. Ua fesoasoani ou te fiafia ai i le lotu ona o le olioli e aumaia e lo'u aiga o le uarota ia te a'u. O le a i ai pea lava tagata iina e alolofa ia te oe.

Sophia D., 16 tausaga, Bristol, Egelani

O Le A Sou Manatu?

"Ou te le malamalamama tele i mau. E mafai faapefea ona ou maua ni mea se tele mai le fatauina o tusitusiga paia?"

Auina mai lau tali ma, afai e manaomia, o se ata manino lelei a o le'i oo i le aso 15 o Mati, 2020, i le liahona.ChurchofJesusChrist.org (kiliki le "Submit an Article or Feedback").

E ono iloiloina tali mo le uumi po o le manino.



E mafai faapefea ona ou faamalamalamama atu i a'u uo le mafuaaga tatou te manaomia ai le Tusi a Mamona?

Tatou te talitonu o le Tusi a Mamona na saunia e le Alii mo o tatou aso ma e tatau ai mo i tatou. O ni nai mafuaaga nei (e pei ona faamalamalamama mai e Peresitene Russell M. Nelson):

- O loo i ai tali i fesili sili ona taua o le olaga.
- O loo aoao mai ai le aoaoga faavae e uiga ia Keriso.
- O loo faalautele ma faamanino mai ai le tele o upumoni "manino ma taua" mai le Tusi Paia sa faapea ona leiloloa (tagai i le 1 Nifae 13:29-33).
- Ua tuuina mai ai le malamalamamaaga aupito atoatoa ma sili ona mausali o le Togiola a lesu Keriso e maua i soo se mea.
- Ua aoao mai ai ia i tatou e uiga i le faapotopotoina o Israelu na faataapeapeina.
- Ua faailoa mai ai auala a le fili (tagai i le 2 Nifae 26-33).
- Ua aveesea ai tu ma aga faalelotu sese.
- Ua tafisea ai e faavavau ia manatu sese e faapea, na muta faa-aliga i le Tusi Paia ma o loo tapunia le lagi i aso nei.

(Mai i le Russell M. Nelson, "O Le Tusi a Mamona: Faamata e Faape'i Lou Olaga e aunoa ma la?" *Liahona*, Nov. 2017,62).

Sa Ou Vaai i se Faaaliga Vaaia

Saunia e le Perofeta o Iosefa Samita (1805-44)

Peresitene Muamua o le Eklesia

I le tautotogo o le 1820, sa taumanatunatu ai Iosefa Samita e 14 tausaga le matua po o le fea o lotu e tatau ona auai. Sa liliu atu o ia i tusitusiga paia mo ni tali. I le lakopo 1:5 na ia faitau ai afai e leai se poto ia i tatou, e mafai ai ona tatou ole atu i le Atua.

Ina ua mavae se taimi, sa oo ina ou taunu i le faaiuga o lo'u tumau pea i le pogisa ma le fenumiai, pe ou te faia e pei ona faatonu mai e lakopo, o lona uiga, ia ole atu i le Atua. . . .

O lea, e tusa ai ma lenei faamoemoe . . . sa ou alu atu ai i le togavao e faia lenei taumafaiga. O le taeao o se aso matagofie lava ma le manino, i le amataga lava o le tau totogo o le afe valu selau luasefulu. . . .

Ina ua mavae ona ou taunu i le mea na ou muai filifilia ou te alu atu i ai, ina ua mavae ona ou vaavaai solo faataamilo ane ia te au, ma ina ua ou iloa ua nao au lava, sa ou tootuli i lalo ma amata ona tuu atu manaoga o lou loto i le Atua. Sa tau le mafai ona ou faia, i le taimi lava na vave ai ona ou mauaina se mana na faapea ona lofituina atoa ai au, . . . Sa siomia au i se pouliuli mafafia, ma sa foliga mai ia te au i se taimi e peiseai ua malaia au i se faafanoga faafuasei.

Peitai, i le faaaogaina o lo'u malosi atoa e valaau atu ai i le Atua e laveai a'u mai le mana

o lenei fili sa taofia a'u, ma i le taimi tonu lava na ou sauni ai e goto atu i se tulaga e aunoa ma se faamoemoe ma tuu atu a'u lava i le faafanoga . . . na ou vaaia ai se malamalama faaniutu i luga a'e tonu lava o lo'u ulu, ua sili atu le pupula i le la, ua alu ifo malie lava seia oo mai i o'u luga.


. . . Ina ua oo mai le malamalama i o'u luga, sa ou vaaia ni Tagata e toalua, o lo laua pupula ma le mamalu e lē mafaamatalaina, o tutu mai i o'u luga a'e i le ea. Sa fetalai mai le tasi o i laua ia te au, ma fofoga mai ia te au i lou igoa ma fetalai mai, ao tusi ane i le tasi—O Lo'u Atalii Pele lenei. Faalogo ia te la! . . .

. . . Sa ou vaai moni i se malamalama, ma i le totonugalemu o lena malamalama, sa ou vaaia ai ni Peresona se toalua, ma sa la'ua fetalai moni mai lava ia te a'u; ma e ui ina sa inosia ma sauaina au i lo'u fai atu sa ou vaai i se faaaliga vaaia, ae ua moni; . . . Sa ou vaai i se faaliga vaaia; ua ou iloaina, ma ua ou iloaina sa silafia e le Atua, ma e le mafai ona ou teenaina. ■

Mai le Iosefa Samita—Talafaasolopito 1:13-17, 25.

O SE MAMANU MO LE SAILIA O LE UPUMONI

E mafai faapefea ona tatou iloa
le mea moni? Ua faatulaga e
losefa Samita se mamanu mo
i tatou e mulimuli ai.



O le sailiga a losefa na taitai atu ai i le
Toefuataiga o le talalelei a lesu Keriso. O le
a le mea o le a taitai atu i ai lau sailiga?



A i ai ni au fesili, o fea e
te alu i ai mo ni tali?

Na faasoa mai e Peresitene
Russell M. Nelson le auala e mafai
ona tatou mulimuli ai i le faataitaiga
a le Perofeta o losefa:



"Saili se nofoaga filemu.
la faamaualaloina oe lava
ia i luma o le Atua."



"Tatalo atu i le suafa o lesu
Keriso e uiga i ou atuatuvalo, ou
popolega, ou vaivaiga—ioe,
o faanaunauga tonu o lou loto.



"Ona faalogo lea!"



"Tusi manatu e oo
mai i lou mafaufau."



"Tulitatao i faatinoga
e uunaia oe e fai."

*"O finagalo moni ea le Atua
e fetalai mai ia te oe? IOE!"*

(Mai le konafesi aoao ia Aperila 2018.)

**FAAMANATUINA O LE
200 TAUSAGA TALU MAI
LE ULUAI FAAALIGA**

*O le Uluai Faaaliga a Iosefa Samita
e taua tele ia i tatou i aso nei e
pei ona sa i ai i le 200 tausaga
ua mavae. O nisi o tusiga o lenei
masina e fesoasoani e faamatala
mai ai pe aisea.*



AUTALAVOU MATUTUA

**PE A LE FETAUI
LE OLAGA**

42

AUTALAVOU

**O LE TOEFUATAIGA
MA OE**

**52, 61,
64**

SAILIA O LE UPUMONI?

**MULIMULI I LE
MAMANU LENEI**

65


I MATUA

**TAMAITI MA
LAGONA LE FIAFIA**

40, U6

O LE EKALESIA A
IESU KERISO
O LE AU PAIA O ASO
E GATA AI

Uo



O le vaega a tamaiti o le *Liahania*, Iolomina e Le Ekalesia a Jesu Keriso o le Au Paia o Aso e Gata Ai

Ua Fau e Nifae se
Vaa!

Tagai i le itulau e U13



Saunia e
Peresitene
Henry B. Eyring
Fesoasoani Lua i le
Au Peresitene Sili

ALU ma FAI

A o ou tuputupu ae, e toatele tagata na leai ni galuega ma leai ni mea e nonofo ai. O le Peresitene o le Aualofa i le matou paranesi laitiiti sa o se tamaitai matua mai Nouei. Sa ia iloa na finagalo le Atua na te tausia i latou e le tagolima. O lea sa ia talosagaina ai ona tuaoi mo ni lavalava tuai. Sa ia tataina ma auli ia lavalava. Ona

ia tuuina lea i totonu o atigipusa pepa i luga o lona poletito pito i tua. Pe a manaomia e se tasi ni lavalava, e faapea atu ona tuaoi, "Alu i le fale o loo i le lalo atu o le auala. O loo i ai iina se tamaitai, o le a ia avatu ia te oe mea o loo e manaomia."

Na iloa e lenei uso le mea na finagalo le Atua na te faia, ona ia faia ai lea! Sa fesoasoani o ia i le faitau selau o fanau a le Tama Faalelagi o e sa manaomia le fesoasoani.

I le Tusi a Mamona, o loo aoao mai ai e Nifae i tatou e mulimuli i poloaiga a le Atua, e tusa lava po o le a lo latou faigata. Na fai mai o ia, "O le a ou alu ma fai mea ua poloaiina e le Alii" (1 Nifae 3:7).

E te faaalia lou faalagolago i le Atua pe a e faalogo ia te Ia ona e alu lea e faia soo se mea ua Ia poloai mai ai. ●



Toefatuina mai le, "Faalagolago i le Atua, Ona E Alu Ai Lea," Liahona, Nov. 2010, 70-73

Ou Te Savali ma Iesu

Naunautai

$\text{♩} = 80-88$

Upu ma le fati na tusia e Stephen P. Schank

B♭ E♭ B♭ E♭ B♭ E♭ B♭ E♭

1. Soi - fua le - su le po - to; Ma le upu - mo - ni.
 2. Ou te fia pei o Ie - su. Ou te tau - ivi pea,
 3. Ou te faa-lago - la - go i Lanava - la - au.

B♭ E♭ B♭ Cm⁷ F B♭ E♭

Sa 'lo - fa i le A - tua ma isi _____ ma le mo - ni. Ie - su, tai - tai ma - i,
 Tau - to e ui i O - na a - la _____ ma tu - mau pea. Tu mo lo'u Faa - o - la,
 Na te lē tu - ua a - 'u, _____ pe a ou pa - 'u. O Ie - su le ma - na,

B♭ E♭ Cm B♭ E♭ F

ma faa - si - no mai. Le a - la i a - so u - ma ou te ui ai.
 i a - so u - ma Te muli - mu - li, ma faa - soa Lo - na a - lo - fa.
 E faa - ma - fana - fana, Ou te o - la ai e faa - va - vau la - va.

Tali B♭ E♭ F B♭ Gm Cm⁷

Pe a ma ò ma Ie - su i lo'u a - i - ga, Ou te o - la i Lo - na A - ga - ga, ma

F⁷ B♭ Gm Cm⁷ D⁷ Gm

Lo - na a - lo - fa, Lo'u loto ua su - i - a, va - ai lē pu - ni - tia.

E♭ B♭ Cm⁷ F⁷ B♭ E♭ B♭ E♭ B♭

Ou te sa - vali ma Ie - su, sa - vali pea ma I - a.

© 2019 by Intellectual Reserve, Inc. All rights reserved.

O lenei pese e mafai ona kopiina mo le faaaogaina i le lotu ma le aiga i mea e le faapisinisi.
 O lenei faasilasilaga e tatau ona tuu i luga o kopii taitasi e faia.

Alu Pea, Sose!

Saunia e Juliann Doman

(E faavae i se tala moni)

"Ia tatou taufetuli ma le onosai i le ala tanu o i o tatou luma" (Eperu 12:1).

Sa mavava Sose a o faalemu lana tamo'emo'e i se savali. O le asō o se tuuga tele! Sa tulimatai atu o ia i lenei aso mo le tele o masina. Ae nai lo le lagonaina o le fiafia i le taimi o sauniuniga ma faavevela, sa lagona e Sose le lelavā.

"O a mai?" sa fesili atu ai lona uso matua o Kilisitine. Sa la saofafai i lalo ma Sose i luga o le mutia ina ia mafai ona fālō o la vae.

"Ua matua o'u lelavā lava," na fai atu ai Sose, a o aapa atu i ona tamaivae.

Sa ma'i o ia ma sa le aoga ai i ni nai aso. O anapo la, sa tuai ai ona moe o ia i le tau faaumaga o ana meaaoga.

"Ou te faamoemoe o le a ou le tuua i lalo la tatou au," o le tala lea a Sose.

"Tau lava o le fai o le mea sili e te mafaia," sa fai atu ai Kilisitine. "Pei lava o le a tatou amata!"

Na tamo'emo'e atu teineiti e faatasi atu i le latou au taaaalo. A o latou tutu faatasi ma isi au taufetuli, sa moe-iini mata o Sose ma manava tele i totonu. Sa ia iloa sa faamoemoe le latou au ia te ia e tamo'eo saoasaoa, e pei ona sa masani ona ia faia. O le taimi taufetuli mai tagata taufetuli lelei e toalima o le latou au o le a iloa ai pe alu le latou au i le suega siamupigi. Sa le'i tu lelei o ia i lona tulaga ae pa loa le fana e amata ai le tuuga. *Pa!* Sa taufetuli ese atu le autamomo'e mai le laina amata ma faanati-nati atu ai i luma.

Sa saele e Sose ona lima ma faauumi ana laa. Sa ia iloa e tatau ona ta'imua i le amataga pe afai e manao ia mamao lana mua. I le taimi muamua na mafai ai e Sose ona maua atu isi au taufetuli na muamua atu. Ae ina ua taumafai o ia e tamoe televave, sa le mafai ona ia faia.

Sa faamalosi atili le manava a Sose. Ae sa le mafai ona ia tuleia ona vae ia masasau atili. Sa amata ona tipi o ia e au taufetuli sa i ona tua. E masani lava o Sose, o le tagata sa faia le tipitipi tagata! *Pei lava e sili ai le togi o lo'u solo,* sa ia mafaufau ai.



Sa tilotilo ifo Sose i lalo i le palapala a o ia faalo-goina se isi tagata tamoe o pasia o ia. "Alu pea, Sose!" na fai mai ai le tagata tamoe a o tamoe ane o ia. Sa ea a'e i luga Sose. Ona ia ataata lea. O se tasi o lana au taalo.

"E mafai ona e faia!" sa fai atu ai se tasi o le autaalo a o pasia ae o ia. A o pasi ane taitoatasi e le autaalo a Sose o ia, sa latou faamalosiau atu ia te ia e tamoe pea.

Sa lagona e Sose se uunaiga o le pulunaunau. Atonu o le a le i ai o ia i le toalima pito i luga, ae e mafai lava ona ia faaumaina le tuuga. Sa taulai atu o ia i ana sitepu ma sa le'i tu seja iu ina ia sopoia le laina o le tini.

"Ou te faamalie atu pe afai ou te . . . lei fesoasoani ina ia tatou . . . agavaa mo le isi tuuga, "o lana tala atu lea a o tau manavanava.

"Sa agavaa le tatou au!" Sa fai mai ai le faiaoga a Sose a o tamoe atu i teineiti. Sa alalaga tagata uma o le au, ma sa fusi mai e Kilisitine ia Sose i se opo lapoa.

O le po lena a o tootuli Sose e tatalo, sa mafaufau o ia i le ala na fesoasoani ai teine o lana autaalo ia te ia. O a latou upu na tuuina atu ai ia te ia le malosi e faaauau ai pea i le taimi na manao ai e tog i le solo.

Sa tilotilo ae Sose i luga i le ata o Iesu o loo tautau i luga ae o lona moega. Sa mafaufau faapea o ia, *e faia foi e Iesu lea lava mea mo i tatou*. Sa ataata o ia a o ia vaai faalemafaufau atu i le tapuaiga a le Faaola ia te ia. "Alu pea, Sose! O loo O'u iinei e fesoasoani ia te oe."

Sa faafetai Sose i le Tama Faalelagi mo Lana fesoasoani i le tamoegea i le tausinioga o le olaga. Sa ia lagonaina le pei e mafai ona ia faia soo se mea a o taputapuai mai Iesu ia te ia! ●
E alala le tusitala i Colorato, ISA.



O Auala e Maua ai Lagona Lelei

O nisi nei o mea e taumafai e fai pe a i ai ni ou lagona le fiafia. Valivali foliga e fetaui ma ou lagona, po o le tusi o le ata o se foliga fou. Ona valivali lea o manatu mo lagona lelei.



Ou te lagona
le ita!




Ou te lagona
le fefe.




Ou te lagona
le faanoanoa.




Ou te lagona
le popole.




Ou te lagona




Manava lemu i totonu ma fofo.
Ia faamapu filemu lou tino.




Faataitai se gaoioiga e
faaminoi ai lou tino.




Ia e agalelei ia te oe lava. Taumafai
e mafaufau i ni mafaufauga lelei
e uiga ia te oe lava.



Tusi i se apitalaaga pe vali
se ata e uiga i ou lagona.



Talanoa i se tasi e uiga
i ou lagona.



Fai se tatalo ma fatau ni nai mau.
E alofa le Atua ia te oe, e tusa
lava pe o le a!



“Ua matou tautalatala ia Keriso,
ua matou olioli ia Keriso”

(2 Nifae 25:26).



Talofa mai Pasila!



O ma'ua o Margo ma Paolo.

O loo ma malaga faataamilo i le lalolagi e aoao e uiga i fanau a le Atua. Faatasi mai ma i ma'ua a o ma asiiasi i Pasila!




E le o toe mamao ona 11 lea o malumalu i Pasila! I le itulau e U10, e mafai ona e faitau e uiga i le uluai malaga a se tama Pasila i le malumalu.



O **Pasila** o le atunu aupito tele lea i Amerika i Saute. E silia ma le miliona tagata o le Ekalesia o loo nonofo ai iina.

O le gagana autu e tautalagia i Pasila e faapotukale. O le Tusi Mamona lenei i le Faapotukale.





O le soka o le taaloga aupito lauiloa lea i Pasila.



O loo tu se faatagata tele lava o Iesu Keriso i le tumutumu o se mauga e latalata i le aai o Rio de Janeiro.

**Faaftai mo le
suesueina o Pasila
ma i ma'ua.
Feiloai i se
isi taimi!**

O le vaitafe o le Amasone o le vaitafe aupito umi lea i le lalolagi. Ma o le vaomatua o le Amasone e aupito tele lea i le lalolagi! O le aiga lea o le tele o meaola maoae.



Feiloai i nisi o uo mai Pasila!



Ou te fiafia matou te o i le lotu ma lo'u tuafafine laitiit ma lo'u aiga. Ou te lagona le alofa o le Faaola pe a ou i ai faatasi ma lo'u aiga i le sauniga faamanatuga. Ou te lagonaina foi pe a ou i ai i le Peraimeri. Ou te iloa o loo soifua lesu ma e alofa ia te au.

**Yago V., 4 tausaga, ma lona
tuafafine, o Laís, 2 tausaga,
Minas Gerais, Pasila**



A o lei oo i lo'u papatisoga, sa ou fefe ne'i o'u malemo ona e le mafai ona ou auu. Fai mai lo'u tamā e mafai ona ou faatuatua ia lesu e faatasi ma au. Ina ua uma lena, sa ou lagonaina le lototela lava ma iloa ai sa le'i tuua na'o au. O le papatisoga o lo'u papatisoga sa o se aso sili lea ona mandaia o lo'u olaga.

**Ana Luiza M., 9 tausaga,
Paraná, Pasila**

**E te sau mai Pasila?
Tusi mai ia i matou! Matou te fiafia
lava e faalogo atu ia te oe.**



O Se Malumalu mo Ítalo

E le mafai ona ia faatali e alu i ai i totonu i se aso!

Saunia e Sadey Ludlow

(E faavae i se tala moni)

“Ou te fia vaai i le malumalu.

“Ou te ulu i ai i se aso” (Tusipese a Tamaiti, 99).

Sa fiafia Ítalo i le malaga a le
Suarota mo le malumalu. Sa latou
o atu i le Malumalu o Recife Pasila.
E 15 itula le mamao!

Sa malaga i le taeaopo lava ia
Ítalo, o lona uso matua o Henrique,
ma o laua matua. A o latou tietie
atu, sa mafaufau lava Ítalo i se mea
na ta’u atu e Tina ia te ia. “O le tau-
saga lenei, e mafai ai ona e vaai mai
fafo i le matagofie o le malumalu,”
o lana tala lea. “O le tausaga a sau,
o le a lava ai lou matua e vaai ai i le
matagofie o totonu.”

E lei alu muamua lava Ítalo i se
malumalu. Ae sa matamata o ia
i le fausiaina o le malumalu fou
i Fortaleza, lea sa nonofo ai lona
aiga. Sa ofoofogia lava!

Sa latou malolo mo le taumafataga
o le aoauli. O Ítalo sa ai lana meaai
e sili ona fiafia i ai, o le *feijoada*, o le
sitiū o pi uli e ai i le araisa ma moli.
A o ai o ia, sa mafaufau pea e uiga i
le malumalu. Ina ua iu ina faapaiaina
le malumalu i Fortaleza, o le a avea o
se malumalu e mafai ona asiasi soo
atu i ai lona aiga. O le a latou le toe
tietie mamao ai.

E taunuú atu Ítalo ma lona aiga i
le malumalu i Recife ua faasolo ina
goto le la. *“Que bonito!”* Na fai mai
ai Ítalo. *“Ta’i manaia!”* Sa le mafai
ona ia taofi lona ataata.

O le taeao na sosoo ai, na avea
atu ai e TIna ia Ítalo i le eria e faa-
talitali ai tamaiti. “E ui ina e le alu
i le taimi lenei i totonu o le malu-
malu,” sa ia fai mai ai, “ae vaai pe
e te lagonaina se agaga faapitao a
o e i ai i lotoa o le malumalu.” Ona





o atu uma lea o isi o le aiga o Ítalo i totonu o le malumalu.

Sa vaavaai e le aufaigaluega lelei o le malumalu ia Ítalo ma isi tamaiti a o latou faatalitali i le malumalu. Sa latou faitau i tala mai le *Livro de Mormon* (Tusi a Mamona). “O le faitauina o tusitusiga paia o se auala lelei lea e sauniuni ai mo le malumalu,” o mafuauga ia o Ítalo. Sa ia lagonaina le toafimalie ma le saogalemu. Sa ia mafaufau faapea, *e sa’o Tina. E toafilemu lava iinei.*

Ona ave lea e le aufaigaluega o le malumalu ia Ítalo ma isi tamaiti mo se savaliga faataamilo i lotoa o le malumalu. O le taimi lena na matauina ai e Ítalo ia upu i luga o le faitotoa i le malumalu, fai mai “*Santidade ao Senhor. A casa do Casa le Senhor,*” “E paia i le Alii: o le maota o le Alii.”

E leitioa a ou lagonaina le toafilemu iinei, o ona mafuauga ia. *O Le Fale Lenei o le Atua.*

Ina ua uma le malaga i le malumalu, sa toe foi atu Ítalo ma lona aiga i le fale. Sa manao o ia e manatua ona faalogona sa i ai i le malumalu. O le a se mea e mafai ona ia faia?

O nisi taimi sa manatu ai Ítalo e lelei atu pe a mafai ona ia tusia se ata o ona faalogona nai lo le tusitusi e uiga i ai. O lea sa ia tusia ai se ata o le malumalu. Ona ia faaali atu lea ia Tina ma Tama.

“O le a faamanatu mai e lenei mea ia te a’u le mea ou te fia alu i ai,” o lana tala lea. Sa ia tuuina le ata i totonu o lona potu i le mea e mafai ona ia vaai atu i ai i aso taitasi.

“Ou te fia saunia!” o lana tala lea.
“Ona ou te fia alu i totonu i se aso!” ●
E alala le tusitala i Iuta, ISA.



O le a se mea e te fia e te
saunia ai e alu i le malumalu
i se aso?

Mau o Vaa

E tele mau o loo talanoa e uiiga i vaa! O a ni mea ua e aoaoina mai i nei tala?



O Ai A'u?

Faafetaui tagata taitasi o loo i lalo ma a latou tala.

- 1 Na lapataia a'u e le Atua o le a ia faaloloina le lalolagi. Sa ia faatonuina a'u e fau se vaa telē ina ia mafai ona faasaoina ai lo'u aiga ma meaola.
- 2 Sa matou i ai i luga o se vaa faatasi ma Iesu i le taimi na sau ai se afā. Sa faafilemu e Iesu ia matagi ma galu.
- 3 Sa ma fauina ma lo'u uso ni vaa e malaga ai i se nuu o le folafolaga. Sa ou ole atu i le Atua ina ia faamumu ia maa ina ia matou maua ai le malamalama i totonus o a matou vaa.
- 4 Sa le mafai ona tutu le matou vaa ona saaisā le uafu! Sa ou taitaia la matou vaega i le tatalo ma ole atu i le Atua mo se fesoasoani. Na ta'e le aisa ma na lava le umī e ui atu ai le matou vaa.



Lusi Maka Samita



Soo o Iesu



Noa





O le uso o Iareto

Fau La Oe [Vaa]

O manatu nei mo le faiga o isi ituaiga vaa eseese.

O a ni manatu e mafai ona e mauaina mai?

- Faaaoga le pau o le afa o le avoka e avea ma vaega autu o se vaa.



- Faakelū pe faapipii faatasi ni fasilaau e fai ai se fogavaa opeopea.

Ua Fau e Nifae se Vaa

Faaaoga le tusiga lenei e faatino ai vaega o le 1 Nifae 17.

Faamatala: Ina ua malaga le aiga o Nifae i le vao, sa latou tau atu i se sami. Sa faatonu e le Alii ia Nifae e fai ni meafaiga-luega ma fau ai se vaa.

[*O loo fau e Nifae [le vaa].*

Ua savavali atu Lamana ma Lemuelu i le vaauga.]



Nifae: Uso e, o mai e fesoasoani ia te au i le fauga o le tatou vaa!

Lamana: Leai! E te le iloa fau se mea faapena.

Lemuelu: Ua e valea, e pei o lo tatou tamā.

Nifae: O le a taitai i tatou e le Alii i se nuu folafolaina, e pei lava ona Ia taitaia le nuu o Mose. Ou te faanoanoa ona o le lua le talitonu i folafolaga a le Atua.

Lamana: [*Iliiu atu ma le ita ia Lemuelu*] Ta togi-ina o ia i le sami!

[*Ua taumafai Lamana ma Lemuelu e pu'e Nifae, ae na laa i tua Nifae.]*

Nifae: E mafai ona ou faia soo se mea ua poloain-a i le Atua e fai.

[*Na faaloaloa atu e Nifae lona lima ia Lamana ma Lemuelu. Sa amata ona gatete ma pauu ifo i o laua tulivae.]*


Lamana: Sa ou lagonaina le mana o le Alii!

Lemuelu: Sa ou lagonaina foi! Sa ou gatete ai!



[*Ua fesoasoani Nifae e faatutū i la'ua i luga.]*

Nifae: Ou te faamoemoe o le a outou talitonu i le Atua. Ia tatou faaumaina faatasi le vaa lenei.

Faamatala: Sa faauma e Nifae ma lona aiga lo latou vaa ma folau atu ai i le nuu na folafolaina.



- Gagau se vaa mai se pepa.



- Faaaoga fasilaau ma pepa e teuteu ai se momi folau.

Paso o le Tusi a Mamona

Faatumu ia sikuea avanoa, ina ia i ai ata uma e ono i laina taitasi (faalalava),
koluma taitasi (luga ma lalo), ma pusa lanumoana taitasi.



O a mea ua faamanatu mai e nei faailoga ia te oe i le tala ia Nifae ma lona aiga?

	Faaiteite: O fea le faailoga o loo misi iinei?				

Faaali ma Faamatala Atu



Niu Saute Uelese, Ausetalia

O u te fiafia
e valaau-
lia au uo e o
mai matou te
o i le lotu po
o gaoioia.

Jacob K.,
15 tausaga,



atu i se misiona!
Astrid V., 8 tausaga, Arequipa, Peru

S a ou lagona
S le fiafia
e ui ifo i vai
o le papa-
tisoga. Sa
papatisoina au
e lo'u tuagane
o lē sa auauna



Lynn P., 11 tausaga,
Santa Cruz, Polivia



E i ai o matou aiga o loo nonofo i Toga, o lea sa matou faanoanoa ai ina ua
lavea iina i se afā. Sa matou mafaufau i se faiga e auina atu ai ni faamamā
vai ina ia mafai ona latou maua ni vai mama e feinu ai. Sa matou galulue
malosi ma ia lava ni tupe e maua e auina atu ai ni pusa se tolu o faamamā vai!
Sa lava mea na maua e lo matou aiga i Toga e faasoa atu ai i le lotoifale.
Kalea ma Christopher L., e ta'i 8 tausaga, Saskatchewan, Kanata



S a fai faataitaiga a tamaiti o le Peraimeri i le **Itumalo So San Luis, Atenitina**, mo le polokalama a le
Peraimeri ma sa fiafia e tuuina atu!



E tuu e tamaiti o le Peraimeri i le **Itu o Ping Chen, Taiuani**, ni polo fulufula i totonus o se koneteina
e faatusa i tatalo na faia, mau na faitauina ma taimi na
latou lagonaina ai le alofa mai le Atua. O vайасо taitasi
latou te faasoa mai ai mea na latou faia, lagonaina, tatalo
e uiga i ai, pe aoaoina. Sa tele ni a latou faamanatu o le
alofa o le Atua!

Su'e Mai!

E tusa o le afa o Pasila ua uftitia i le vaomatua. E mafai ona e su'eina ma valivali ia meaola ma manu faalafua uma e 12 o loo i totonu o lenei vaaiga o le vaomatua? Vaai i le faavaa i tua mo se fesoasoani.



Alu i le itulau e U8 e ooao atili ai e uiga ia Pasila.

O nisi taimi ou te fefe ai e faataitai ni mea fou.
 Ae faafefea pe afai ou te tolilao?
 —Fefe i Accra



Le Pele Fefe,

O tagata uma lava e matuai lelei lava i se mea na amata atu o ni tagata tauamata! O le a le avea oe ma se tagata atamai i le taimi muamua e te faataitaia ai, ma e le afaina lena mea. O vaega uma lava na o le malaga fia iloa! A e faaletonu, ia toe taumafai. O le olaga e faatatau i le aoao ma le tuputupu ae.

E mafai ona e faia!

O Le Uo

Tusi lolomi ia laina e aoao atili ai pe na faapefea ona taumafai pea nei tagata.

**Peresitene
Dallin H. Oaks**

Aposetolo ma sa i ci i le Faamasinoga o le Faamasinoga Maualuga i luta



Bessie Coleman
pailate laulioa



Jean B. Bingham
Peresitene Aoao o le Aualofa



**Ludwig
Van Beethoven**
fatupese laulioa i le lalolagi




Sa fai atu i ai lana faiāoga vaiolini muamua o le a le taitai manuia o ia.



Sa lei avea o se tagata aoga atamai, laulioa i le aoga, po o le peresitene o soo se mea a o laitiiti o ia.



Tauivi i le aoga, ae maise lava i le vaevae uumi.



Sa teena e aoga avevaalele uma sa talosaga i ai i le lunaite Setete.



E te manao e faataitai se mea fou? O le *Tusitaiala a Lau Fanau* e mafai ona fesoasoani ia te oe e faatu se sini. Aua le fiu pe afai e te le vave oo i ai!

O le A le Mea o loo i totonu o le Atigipusa?



Saunia e Lori Fuller Sosa

Mekasini a le Ekalesia (E faavae i se tala moni)

Na feminoia'i solo Ava i lona nofoa. Sa ia faalogoina o loo tautala lona faiaoga o le Peraimeri. Ae sa le mafai ona gauai atu i ai Ava. Na pau lava le mea sa mafaufau i ai o ia, o le atigipusa lea sa i lalo o le nofoa o Sister Obi.

Sa afifiina i se pepa iila lanu moana. Sa i ai i le pito i luga se lipine auro. Faamata o le a lea mea? Sa *matuai* faalagolago ifo e Ava lona ulu i lalo. Sa ia sioa atu i le atigipusa. Sa moomoo mai-mau pe ana mafai ona āti atu lana vaai i le pepa iila. E tau le mafai ona faatali



o ia i le fia iloa po o le a le mea sa i ai i totonu.

Mulimuli ane na toso mai loa lea i fafo e Sister Obi le atigipusa. Sa ia tuu-inia i luga o ona vae.

“O loo i totonu o le atigipusa lenei se tasi o foafoaga aupito maoae a le Tama

Faalelagi,” o le tala lea a Sister Obi. “Autilo i totonu. Ona pasi lea i le isi e aunoa ma le faia o se tala.” Sa ia pasi atu le atigipusa ia Noa.

Na siia’e lemu e Noa le tapuni. Sa ia sioa atu i totonu o le atigipusa. Sa ataata o ia. Ona ia pasi atu lea o le atigipusa ia Iuni.

Na tilotilo atu Ava a o faasolo i ai tagata uma. Sa taitoatasi ana uo ma tatala le atigipusa. Sa latou autilo i totonu. Na latou ataata.

O le a se mea ua sili ona taua i le Tama Faalelagi? Ma e faapefea ona ofi se mea e sili ona faapitoa i totonu o se atigipusa laitiiti?

Mulimuli ane, ona oo mai lea ia Ava. Sa ia aveesea tapuni iila ma tilotilo atu i totonu. Sa o se fā’ata! Na tilotilo Ava i le fā’ata i totonu o le atigipusa. Sa ia vaaia le toe autilo mai o ona lava foliga.

Sa vaaia e Ava le lapopoa o ona mata. Pe o *ia* ea se tasi o foafoaga silisili a le Tama Faalelagi? Pe na alofa tele *faapena* le Tama Faalelagi ia te ia?

Sa ataata Ava. Sa ia lagonaina le mafanafana ma le fafia i lona loto. Sa pei o se opo lapoa. O se opo lapoa mai le Tama Faalelagi. *Sa alofa o Ia ia te ia!* O ia o se tasi o Ana foafoaga sili ona maoae. ●

O le a le mea na vaaia e Ava i totonu o le atigipusa? O le a se mea na ia aoaoina?

O le Aufana Gau a Nifae



I se tasi aso i le vaomatua, na gau ai le aufana tulimanu a Nifae. Sa popole lona aiga. Latou te lei iloa pe o le a faapefea ona latou maua ni meaai e aunoa ma le aufana.



Sa faatuatua Nifae.
Sa ia faia se aufana
fou ma se āū. Sa
tatalo lona tamā
o Liae mo se
fesoasoani.



Sa latou autilo i le Liahona. O se
polo faapitoa na tuuina atu e le
Alii ia i latou. Pe a latou tausia
poloaiga, sa faaali atu e le Liahona
ia i latou le mea e o i ai.



Sa mafai e
Nifae ona
aumai ni meaai
mo lona aiga!



Pe a tutupu mai ni mea leaga pe faanoanoa, ou te le fiu!
O le a fesoasoani mai le Tama Faalelagi ia te au e fofō faafitauli. ●

Faitau e uiga i lenei tala i le 1 Nifae 16.

Na Faalagolago Nifae i le Atua



E mafai faapefea ona e lototeli e pei o Nifae?

Matua Pele,

Sa faamaoni Nifae. E mafai ona aoao lau fanau e uiga ia te ia i le mekasini o le masina lenei. I le itulau e U2, o loo talanoa mai ai Peresitene Eyring e uiga i le auala e mafai ai ona tatou mulimuli i le faataitaiga a Nifae. Faaaoga itulau e U12–U13 e faatino ai le tala ia Nifae o loo fauina se vaa. I itulau U20–U23, faitau i le taimi na gau ai le aufana a Nifae. Fesili atu i lau fanau po o a ni upu o le a latou faaaogaina e faamatala ai Nifae. O a nisi o upu e mafai ona faamatalaina ai lou aiga?

Tumau le faamaoni!

O Le Uo



Tagai i le itulau U16.

O LE AUALA E AUINA ATU AI ATATUSI A LOU ALO PO O SE AAFIAGA I LE LIAHONA

Alu i le liahona.ChurchofJesusChrist.org ma kiliki le "Submit an Article po o Feedback." Pe imeli mai ia i matou i le liahona@ChurchofJesusChrist.org faatasi ai ma le igoa o lou alo, tausaga, o le aai e nofo ai, ma faamatalaga lenei o le faatagaga: "O o'u, [tiiu i ai lou igoa], ou te tuuina atu le faatagaga i Le Ekalesia a Iesu Keriso o le Au Paia o Aso e Gata Ai e faaoga le tusiga a la'u tamoa i mekasini a le Ekalesia, i luga o upega tafailagi a le Ekalesia, ma fa'asalalauga fa'aagafesoontai." Ua matou fia faalogo atu lava ia te oe!



Saili le Liahona o loo nana i totonu!

ANOTUSI

- U2** Mai le Au Peresitene Sili: Alu ma Fai
- U4** Alu Pea, Sose!
- U6** O Auala e Maua ai Lagona Lelei
- U7** Manatu Leleiq
- U8** Talofa mai Pasila
- U10** O Se Malumalu mo Ítalo
- U12** Mau o Vaa
- U14** O Mea Malie: Paso o le Tusi a Mamona
- U15** Faaali ma Faamatala Atu
- U16** O Mea Malie: Su'e Mai!
- U17** O le a Se Mea o i Lou Mafaufau?
- U18** O le a le Mea o loo i totonu o le Atigipusa?
- U20** Tala o Tusitusiga Paia: O le Aufana Gau a Nifae
- U23** Itulau e Valivali: Na Faalagolago Nifae i le Atua